

በዓል ፋዘገ እብ ነያረት ትዐየደ

አሚን ዓም ቅዱስ ሲኖዶስ ኦርቶዶክስ ተዋህዶ ቤተክብሩን ኤረትሮፕ ብጹዕ ኣቡነ ሉቃስ፡ እብ መናሰበት በዓል ትንሳኤ፡ እግል ሙእምኒን ውዑዝ ኣስመዐው።

ተርጀመት በዓል ትንሳኤ እንዴ ሸርሐው ኣቡኔ ሉቃስ፡ እግል ክሉም ሙእምኒን እብ ዓመት፡ ዲብ ድፋዕ ወጠን ፍሩራም ለህለው፡ እብ ሕማም እት እሰብዓልያት ለህለው፡ ወዲብ ኣካናት ተኣዲብ ለህለው ጅሃት፡ “ኣሰናይ እትሊ በዓል ቃሊ ኣብጽሖክም” ቤለው።

ኣቡነ ሉቃስ እት ልእኩቶም፡ በዓል ትንሳኤ፡ እብ ሕበር ወውፋቅ

ለልትዐየድ፡ እተክምሰልሁመ ሕጉዛም ዝያድ ለእንሰዴ እቱ ክም ቱ እንዴ ሕበረው፡ እሊ ውዳይ ሰን እት እድንዩ ወኣልኣኸረ ክም ነፌዕ ሸርሐው።

ዓያድ ድያናት፡ ውፋቅ፡ ሕሸመት ሕድ ወዓዓት ሸዑብ ኤረትሮፕ ለልትርኤ እቱ ክምቱ እንዴ ሕበረው፡ እሊ ፍገሪት ውሕደት ወእስትሸሃድ ሸዑብ ላተ ደውለትን ኤረትሮፕ እግል ንሕፍዜ፡ ወኣጅያል ውሕደት ወውፋቅ እግል ለኣውርስ መስኦልየት ክም ብነ ኣፍህመው።

እሊ ክእነ ዲብ እንቱ፡ እብ መናሰበት በዓል ፋዘገ፡ እብ

መዓወነት ውዛረት እዕላም ወእዳረት ምዴርየት ገሉጅ፡ ዲብ ገሉጅ በርናምጅ ሸዑብ ትቀደመ።

ዲብ እብ ዕፌ ዓዓት ጋምል ለዐለ መብሸር ለትቀደመ በርናምጅ፡ መዲር ምዴርየት ገሉጅ ኣሰይድ ደሴ ዘሚኪኤል፡ ኣህምየት ዓያድ ደያናትን ዲብ ኣደቀባት ውሕደት ወጠን ወሕሸመት ሕድ እንዴ ወደሐ፡ እግል ሰርገል እሊ በርናምጅ ለክድመው ሰካን ምዴርየት ወመኣሰሳት ሕክመት ሐመደ። መርከዝ ምዴርየት ገሉጅ ላተ ሸብህ መዲነት ገሉጅ፡ ምን ኣስመረ ሐድ 400 ኪሎምትር ራይመት ተ።



ሰዳይት እግል ሀወኖት መሻክል እጅትማዕየት

ኣረይ መሻክል እጅትማዕየት፡ ምን ሙጅተማዖም ወኣቃርቦም እንዴ ኣረይም መናብረተም እግል ለኣዋፍሖ ለትገብእ ሰዳይት ማል ወመዋድ፡ መርህዮ ተህይብ ክም ሀሌት ውዛረት ዐመል ወራዐየት እጅትማዕየት ሐበረት።

ለውዛረት እግል ኤሪን እብ ሀበተ ሐብሬ፡ መሻክል እጅትማዕየት ለቦም መዋዋኒን፡ ሰዳይት ኣላት ምህር፡ ተእሂል ምህናት፡ ዒን

እተይ፡ እተክምሰልሁመ ሰዳይት ብዕደት እብ ሕክመት ወማዕየ ክም ትገብእ እንዴ ሐበረት፡ መሳልሕ ብዙሕ ለበ ማዕየ ህዩ መትሐሳር ዐቢ ክም ልትህየብ ሸርሐት።

“ ኣረይ መሻክል እጅትማዕየት፡ ዲብ መኣሰሳት ራዐየት ወዓወኖት ክም ሕርያን ደንገበ ልትንሳኢ” እንዴ ቤለ ሙዲር ዓም ፈሬዕ ደሐን እጅትማዕየት ኣሰይድ ምሕረትኣብ ፍሰሃዩ፡ ለትፈናተ

ኣሰባብ ለቡ ይትምነ፡ ምስክነ፡ ነቢር እት ኣፍዱዊ፡ ርምቅ ወፈያቲብ፡ ዲብ ቀበት ሙጅተማዕ ሐል እግል ልርከብ ክም ልትከደም ኣብርሀ።

እሊ መሻክል እጅትማዕየት እብ ገበይ መኣሰሳት ባልሐቱ ብዙሕ መሻክል ክም ቡ እንዴ ሐበረ ህዩ፡ ዲብ ቀበት ሙጅተማዕ መታብዐት ወመራዐየት ለረክቦ እቡ ኣግቡይ ኣዋፍሖት፡ ኣረይለ መሻክል ሰየእት እግል ኢልብተኩ፡ እብ

ለሀቡቶም እግል ልንበር ወኣዳም ክም ለሐሸሞ ለወዴ ኣብሳር ክም ቱ ሸርሐ።

ለኣሰባብ ብዙሕ ምንማቱ፡ ዝያድ ምስል ዐቦት መዳይን ወመግዕዝ ምን ብሩር እት መዳይን ክም መጽእ እንዴ ሐበረ ኣሰይድ ምሕረትኣብ፡ እብ ቅየም ወሰዋልፍ ሙጅተማዕ ለኣሳሱ ኣግቡይ ክም ልትጋባህ ወመደረቱ ክም ትትህወን ኣፍህመ።



እት መዲነት ከረን፡ 47 ኣንሳት ለብእቶም 55 ሸባብ፡ ኣሸቃል ከላት፡ ሙሲቀት፡ እተክምሰልሁመ ክቱብ ተማሲል ወተምሲል ድራመ ደርሰው።

ለናይ ሰስ ወርሕ በክት ተእሂል ለረከበው ሸባብ፡ ናይ እጅትማዕየ ወእቅትሳድ መሻክሎም ዲብ ሕሳብ እንዴ ኣተ፡ እብ ደረጃት ምዴርየት ለተኣሰሰት ልጅነት ለሚሚቶም ክም ቶም ዲብ ዮም 5 ኣብሪል እት ገብኣት ዓደት መድሐራት ትሸርሐ።

መስኦል መክተብ መርከዚ ማሕበር ወጠን ሸባባት ደረሰ ኤረትሮፕ ሻብ ዑቅባይ በርሄ ዲብ ኣሰምዐየ ከሊመት፡ ለበርናምጅ ክፋል ናይለ መቅደረት ሸባባት እብ ኣምር ወምህነት እግል ትዕቢ ገብእ ለህለ ጅህድ ክምቱ እንዴ ሐበረ፡ ለክስበው ምህናት ክም መበገስ እንዴ ትነፍዐው እብ፡ እብ ሸቅል እግል ልጠውሩ ትፋኑ።

እተ መናሰበት፡ እት ድራሰቶም ለፈደበው ወመሰል ሰኔት ላቶም እት ክምሰልሁመ ዲብ በራምጅ ማሕበር እብ መትሰባል ለክድም 15 ደረሰ ካልኣይት ደረጃት ዐጀላት ሐዳይስ ተህየበው።

እሊ ክእነ ዲብ እንቱ፡ ዲብ ኣምዕል ለሀ፡ እብ 3 ሚልዮን ነቅፈ ኣትሳናይ ለገብእ ዲቡ መርከዝ ተእሂል ኣሸቃል ከላት ማሕበር ወጠን ሸባባት ወደረሰ ኤረትሮፕ ኣቅሊም ዐንሰበ ክድመት ኣንበተ።

ለመርከዜ ኣላት ዋወር ናይ ኣሸቃል ከላት ለትዳል እቱ ሰበት ቱ፡ ዲብ ኣደረሶት ሸባባት ለልሀሌ እግሉ ዶር እብ ቀሊል ለልትርኤ ኣተን።

ዲብ ኣቅሊም ዐንሰበ እት ሰነት 2015/16፡ 78 ምእታይት ኣንሳት ለብእቶም ዝያድ 400 ሸባባት እብ ለትፈናተ ምህናት ክም ደርሰው ልትኣመር።



መሓደረት መ/ወ/ኣ/ኣ/ኤ እት ጋሽ-በርከ

ማሕበር ወጠን ኣዋልድ ኣንሳት ኤረትሮፕ ፈሬዕ ኣቅሊም ጋሽ-በርከ፡ ኣንሳት ሸቃለ ሕክመት፡ ኣንፋር ዴሽ፡ ሴድየት ነርሱ፡ ወደረሰ ምግባይት ወካልኣይት

ደረጃት ፈዛዐተን እግል ለዓብየ ወለሀለ ኣብካት እብ ዋጅብ እግል ልትነፋዕ እቡ ኣርድዋየት እግል ትዋፋሕ ለኣመመ ኣትፋዝየት

ወመሓደራት ወደ።

መስኦልትለ ፈሬዕ ኣሰይደ ደሕደገ ዮውሃንስ ዲብ ሀበተ ሐብሬ፡ መቅደረት ኣንሳት እግል ትዕቢ ትገብእ ለህሌት

ክስኣት ረኣሰማል፡ እብ መሻረከት ኣንሳት ሰበት ትትኣከድ፡ ዲብለ ትፈናተ መጃላት ለሸቅየ ኣንሳት መሻረከት ወፈዛዐተን እግል ለኣዚደ ትላኪት።

ኣንሳት ራክባቱ ለህለየ

ናይ ተዐሊም ወምህናት ኣብካት እብ ዋጅብ እግል ልትነፍዐ እቡ ወመትጃግረት እግል ልግብኣ እንዴ ኣትፋቀደት ህዩ፡ ማሕበር ምስል ሰብሸርከቱ ክድም ክም ሀለ ሸርሐት።

ወራታት ኤረትሮፖን እት ካርጅ ልተላሌ

“ተረፎ እት ዓማት ምህንት እቅትሳድ ዝሕረት ወጠን” እብ ትብል ስቅራት ምን ዮም 29 ማርሰ አሰክ 2 አብሪል ለገብአ 14ይ ዋዕለ ሽባባት ጀብህት ሽባባት እግል ዲሙቅራዊት ወወዳለት መንጠቀት አርብ ሸርሕ ክታሚ እንዴ አፍገረው ተመ።

እተ ዋዕለ ወፍድ ሕክመት ወጀብህት፡ ሱፈራእ፡ ምንላ ትፈናተየ ድወል አርብ፡ አፍሪቀ፡ አሜርካ፡ ምግባይ ምፍጋር ጽሓይ ለመጽአው ወካይል ወጠን ሽባባ ላቶም መትካም እተክምሰልሁመ መሳኒት ኤረትሮፖ ለሻረከው

እቱ ዋዕለ፡ ዲብ ካርጅ ለነብሮ ሽባባት ናይ ምህንት ወእቅትሳድ መቅደራቶም ዲብ ካርጅ ወመርሐሉት ለትጠልቡ ምህማት ዐማር ወመዳፍዐት ለልውዕል እቡ አግቡይ ለለአክድ ክቱብ በሐስ ወመሓደራት ትቀደመ።

እብ ተውሳክ፡ ዲብ ሐረከት ወውራትለ መትካም ወሓድረት ሓለት ወጠን፡ አውለውያት ዐማር እቅትሳድ፡ መሻረከት ራብዓይት ጀብህት፡ ህድግ ወተቅዩም ገብአ።

እብ አሳስ እሊ፡ ዲብ ዐማር እቅትሳድ እብ መትሐሳር እግል ልትከደም፡ ደማንት ለበ ግውርነት

እግል ተህሌ ለአመመ ጅህድ ሕክመት እንዴ አየደው፡ ዐዳዋት እብ ፈዛዐት ወመታብዐት ጋብሆት፡ ዲብ ካርጅ ለህሌት መቅደረት ኤረትሮፖን ሽባባት፡ እብ ዋጅብ እት መንፈዐት እግል ትውዐል ራብዓይት ጀብህት መስኡልየተ ወውራት እንዴ አከደት እበ ሐስ ኤታን እግል ትሸቁ፡ እተክምሰልሁመ ናይ አማን ሱረት ዐድነ እግል ትትርኤ ለሰዴ አርእስ እቱ እንዴ ረከዘ ልሰርገል ለህላ ወራታት፡ እብ ራዐየት ወመዳወነት ልጅነት መርከዘየት ናይለ መትካም እግል ልግባእ ትቀረረ።

መዋመጦርላ ወዕለ፡ መትካም ሽባባት ጀብህት ሽባባት እግል ዲሙቅራዊት ወወዳለት መንጠቀት አርብ ሳልሳይ መእተመሩ እተ ሰርገለ ዲብ ኢነት፡ እብ ልጅነት መርከዘየት ዲብ ትቀደመ ተቅሪር ሐቆ ተህደገ፡ ለመጽአ ክልኤ ሰነት ለትከድም ልጅነት መርከዘየት ሐዳስ ተሐፊት።

እብ ጀህት ብዕደት፡ ናይ ሰነት ዋዕለ ምሓብር ወጠን ወሽቦብ ግብለት ምፍጋር ጽሓይ አሜርካ፡ “ መስተቅበልን ባርህቱ ዐቦትነ ነአሸፍግ” እብ ትብል ስቅራት ዲብ መዲነት አትላንት ገብአ።

እተ እብ ለጅነት ወጠን ግብለት ምፍጋር ጽሓይ አሜርካ ለትመርሐ ዋዕለ፡ እበ መትካም ገብእ ለህላ

ወራታት፡ ክምሰልሁመ መካሰብ ወተሐድያት ለክሰስ ህድግ ገብአ።

መስኡል ቅደይ ተንፊዝየት ሰፋረት ኤረትሮፖ ዲብ አሜርካ አሰይድ ብርሃኔ ገብርሃውት ህይ፡ ወራታት ዲፕሎማሲየት ሕክመት ኤረትሮፖ ወሄራሩ፡ ዶር እት ካርጅ ለነብሮ መዋዋኒን ዲብ በራምጅ ዐማር ወመዳፍዐት፡ እበ ክሰስ ተውድሕ ቀደመ።

መሸተረከት እብ ጀህቶም፡ መትነፈዕ አላት ቅራኡት ኤሌክትሮኒክ ዲብ ኤረትሮፖ ደረሰ እግል ልዕቤ ልሰርገል ለህላ በርናምጅ እግል ልትወወት፡ 101 አላት ቅራኡት እግል ለአትዛቤ ለለአቀድር 13,130 ዶላር ትበረወው።



ከደማት ከህረበት ዲብ አቅሊም ዐንሰበ

ዲብ አቅሊም ዐንሰበ፡ ክድመት ከህረበት እግል ትፍያሕ ለአንበተ ሸቅል፡ ሰኒ ገይሰ ከም ሀላ፡ ፈሬዕ ሼርከት ከህረበት ኤረትሮፖ ዲብ አቅሊም ሸርሐ።

መመቅረሓይ ሸቅልል ፈሬዕ መሀንድስ ዝቡይ እድሪስ እግል

ኤሪነ እተ ሀበየ ሐብሬ፡ ዲብ መዲነት ከረን ወድዋረ ሌጠ ለዐለ ከደማት ከህረበት፡ እግል ልፍያሕ እበ ገብአ ጅህድ፡ ዲብ ሰስ ምዴርየት አቅሊም ዐንሰበ ዲብ ህለየ ዝያድ 26 ድጌ፡ ዲብ ምዴርየት አፍዐበት- ቅብለት በሐር ቀየሕ ወእዳረት ደዋይሕ ዐደርዴ - ጋሽ-በርከ ለህለየ

ደገጊት፡ መትነፍዐት ናይለ ምን መርከዘ ከህረበት ሕርጊን ለልትበገስ ከዋ እንዴ ገብአየ፡ ናይ 24 ሰዐት ክድመት ከም ረክበየ ተአመረ።

እብ አሳስ ሐብሬ መሀንድስ ዝቡይ፡ አሰክ እለ 36 ምእታይት ምን አቅሊም ዐንሰበ ከህረበት ረክብ ከም ሀላ፡ ለተርፈ ህይ ከዋ ሐዲስ ልትመደድ እግሉ ከም ሀላ ትሐበረ።

ምነ ደገጊት እንዴ ተመ ናይ ደንጎበ ደረጃቱ ከም በጽሑ፡ ናይለ ትረፈየ ህይ ዲብ ሸቅል ከም ሀላ አፍሀመ።

እሊ ክእነ ዲብ እንቱ፡ ዲብ እዳረት ደዋይሕ ሸበቅ- ምዴርየት ሐጋት ለህላ ገዳም ጸዕደ እምባ፡ ዲብ ሰዌሰረ ለህለው ሕሱራም ኤረትሮፖን እበ ወደወ መሻረከት፡ እብ 90 አልፍ ዩሮ ጣቀት ጽሓይ ትዳሌት።

ለጣቀት ጽሓይ፡ ዲብ ገዳም

እግል ህለው ዲብ ረአሰለ ተህየበ በርሀት፡ ለታሪካይ ወናይ ሰያሐት አህምየት ለቡ ገዳም ቤጽሐት እግል ልሰሐብ ዲብ ገብእ ሀላ ጅህድ ዶር እግል ለአግዴ ክምቱ ለአላት እንዴ ነስኦ ለመጽአ አሰይድ ተክሌ ሀይሌ ሸርሐ።

ገዳም ጸዕደ እምባ ምን መዲነት ሐጋት ዲብ እንክር ግብለት ምፍጋር ጽሓይ 35 ኪሎምትር ራይም ቱ።

ኤረትሮፖን ጽሓይ

ክል አርቡዕ ለትጠ'በዕ ጀሪደት

መዳልያይ፡
መሐመድ እድሪስ መሐመድ
ናይብ መዳልያይ፡
አድም ሳልሕ (አቡሐሪሽ)
ለይ-አውት፡
ፋጥና አደም
ዘህረ ዐሊ
ተለፎን፡ 121797
ፋክስ፡ 127749፡ ዕ.ሰ.ቡ፡ 247
ተውዝዕ ጀሪደት፡
ተለፎን፡ 200454
አትአመሮት፡
ተለፎን፡ 125013፡ ዕ.ሰ.ቡ፡ 1284

ቀደም እለ ምን አልፍ ለሐልፍ ለይዐለ ብዝሐ ዘባይን፡ ዮም ዝያድ 14 አልፍ ባጽሕ ከም ሀላ እ ሐበረ። እንቡት ለህላ መዲድ ክጡዋ ከም ተመ፡ ለዕልብ እብ ዕጽፋት እግል ልዕቤ ክምቱ፡ እብ መጀቡ ዘባይን መትነፋዕ ራትዕ እግል ለህሌ እግሉም መክረ።

እተ ፈሬዕ መስኡል መሸሮዕ መዲድ ከዋ ሻብ ዳዊት ረከ እብ ጀህቱ፡ ዲብ 38 ድጌ አቅሊም ዐንሰበ ልትመደድ ለህላ ክጡዋ ራብዓይት መርሐለት ባጽሕ ከም ሀላ እንዴ ሐበረ፡ እት 20



ናይ ሰልፍ ምደርስ!

ዐድነ እት ሐንቲ ደብር ዐቢ ዲብ ጋድሞታት ህሌት። እብ ኣጀፍር ዐድነ ምን ለትፈናተው ረወራት ለልትበገሶ ወሞዑም ኣክራናት ለብኡቶም ወሐይዝ ሐልፎ። እብ እንክር ተሐት ዐድነ፡ ወደግ ዐቢ ህሌ። እሊ ወደግ እሊ ምስለ እብ እንክር ተሐት ዐድነ ለህለው ረወራት ልትሓበር። እት ፍንጌ እሊ ወደግ ሕያያም ሌመት ለመሰሎ ለትመደደው ረያይም ሐጸይን ሰከክ በዋቢር ምዱዳም ቶም። ምን ግራለ ቤት ሰከን፡ እት ውቁል ድበስ ለበቅለየ ክልኤ ዕጩት ጋምላት ልትረኣየ። እለን ክልኤ ዕጩት ምን ኣሌሌኮ ቱ ለእዘከረን። ምን ለትፈናተ እንክራት ኣሰከ ዐድነ ሐቆ ትትበገሱ፡ ሰልፍ ለለኡብሀዘ እትከ እለን ክልኤ ጋምላት ወዐባዩ ዕጩት ተን። እት ገበይካመ ክም መሐበሪ መርበይ ምክ ህዩ (ክም መሐበሪ እንክራት ወመካሪት ኣርድ) ትትነፈሶ እበን። ዕምር ንእሽናከ እብ ቀሊል ለልትረሰዕ ኢኮን። ኣነ እለን ክልኤ ጋምላት ወዐባዩ ዕጩት ዶል እርኤ፣ ክልዶል መንበረት ንእሼ እትፋቀድ። ዮም ረሳም ዐቢ እንዴ ገብኣኮ እት እትሓድ ሶቭዬት ምንመ እትኣመር፣ ዐድነ ሐቆ እገይሰ ሰልፍ ለእሽፍግ እቲ፣ ኣመርደዮት ህለዮት ወዓፍየት ናይ እለን ክልኤ ዕጩት ለጋምላት ወዐባዩ ቱ። እንዴ ኣሪምኮ ምን እሳፍርመ ሰልፍ ለሀምም እብ፣ “ክም ኣቅበልኮ እለን ክልኤ ጋምላት ወዐባዩ ዕጩት እርእየን ገብእ? እት ሐንቴለ ብሩድ ዐዘለተን ህዩ ዓርፍ ገብእ?” ለልብልቱ።

እት ዐድነ ብዙሕ ረየይም ወጋምል ዓጩይ ህለ። እለን ክልኤ ጋምላት ወዐባዩ ዕጩት ደኣም ፍንቲያት ተን። ናይ ኖሰን ሉቀት ወዘክርያት በን። እምበል እሊመ ሽዑረን ለሸርሐ እበ ፍንቲት ጅንሰ ሙሲቀት ዐለ እለን። ኣደሐ ልግበእ መላሊ እበ ባዮተን ሐቆ ትትዛየር ክልኢተን ምስል እት ከሰክሰ ወከሽከሽ እት ልብለ ጸነሓኩ። ዶል-ዶል ክመ ግንራራብ እንዴ ሸክዐ ለለኣቀብል ሞጅ እት መሰለ፣ ኣቀዋፊን ወኣቅሹንን ሕድ እንዴ ዘብዋ ወዳርክ፣ ክርን ፍንቲት ክም ሀበ ኣነኩ እት ለኣቀብል ትርእዩ። ዶል-ዶል ህዩ ሸማላት ኣቀዋፊን ወኣቅሹንን ሐቆ ሸውዋ እተን፣ ለለኣርሕም ወልብ ለነክእ ፋጻታት ወድዮ። ኩሉ ገርበን ሀዘት በልሱ፣ ከገሌ ሓጀት እንዴ ትፋቀደየ ሐዘነ ለህለየ መሰለ እትኩ።

ብዙሕ ወቅት እበን ክም

ሐሰብኮ እት ደንጎበ ምስጢረን ለኣመርኩው መሰለ እኹ። ለሰብብ፣ ልውሐድ ልብዘሕ፣ ምን ለትፈናተ እንክራት ለመጽእ ሸማላት ሰበት ኢሰርረንቱ። እሊ ናይ ሐረከተን መሰምስ እግል ዶሉ ኣግነዕኮ እብ። ዐቢ! እሊ እት ወቅት ንእሽዬ ሐሰብ እብ ወእትመራመር ለዐልኮ ጋርቱ። ክም ዐቤኮ ወለ ኣማን ክም ኣመርኮ ደኣም፣ ብዙሕ ተዐጀብኮ ውበዙሕ ህዩ ኣትሐሰቤኒ። ኩሉ ናይ ንእሽናዩ ኣፍካር እት ሐንቲ ዐዘለት እለን ክልኤ ዕጩት ጋምላት ወዐባዩ እንዴ ቀበርኩው ክም ግስኮ ህዩ ትዘክርኩ።

ንኣይሸ እት ህሌ፣ ሰነት ሰነትክ እት ድብኣት መድረሰት፣ ክልነ እብ ሕበር እት ውቅል ደብሰት እንዴ ፈገር፣ እት ዐዘለት ናይ እለን ክልኤ ጋምላት ወዐባዩ ዓጩይ ንትፋገዕ ወንትለወቅ ንውዕል ክም ዐልነ እትዘክር። ለጋምል ኣቀዋፍለ ዓጩይ እግል ነግዘል እቶም ዐዘመነ ለዐለው መሰሎ። ሕነ ላኪን ሙብዘሐ ለወቅት ሕኔት ነግርፍ ወንግዘል፣ እገርን እብ ሓፊሁ እት ረየይም ወዐከይክ ላቱ ኣቅሹን ነዐርግ ወንትከሬ ዐልኩ። እተ ኣቅሹን እት ንትሳረር ወንትናከሰ፣ ሰረይር እንጽብዋ ወንትንዔ ዐልኩ። ለሰረይር ምን ኣብደቱ እት ልትፋገር ወልትጣረሕ፣ ሐሩቀቱ ሸርሕ ወሐቁ እግል ልትዐቀብ ሀርሩ ለኣፈግር ነብረ። ሕነ ደኣም ነኣይሸ ሰበት ዐልኩ፣ ኣመት ትልህያ፣ ወምን ሰልፍ ለዐል በጽሐ ውበዙሕ ሰረይር ጸብጠ፣ እንዴ ኢኮን፣ እብ ኣምር ሕቁቅ ሰረይር ንትሐሰር የዐልኩ። እተ ውቁል ኣቅሹን ሐቆ እንበጽሕ፣ እት ሐንቲነ እዲነ ሐዳሰ ንርኤ። እተ ጋድሞታት ለልትረኩብ ናይ ተዓውን ግራህ፣ ምን ቅርዶም ልትረኣው። ለምን ቅሩብ እምበልሆም ወኣክሎም ለገብእ እት እዲነ ለኣለቡ መስል እትነ ለዐለ ኣክዋም ወመጣሚር ናይ ለትጀመዐ ኣነል፣ ምነ ረኣሰለ ኣቅሹን ክም ኣደሸዐት ንኣይሸ ወኣብያት ኣክላብ እንዴ ገብኣ ልትረኤነ ዐለ። ለዐለም ሐዳሰ ሰኒ ትዋዕም እትነ ሰበት ዐለት፣ ንዕዮ ሰረይር እንዴ ኣዘምነ ምኑ፣ ኣብያት ሰከንነ ወቤት ምህርን እት እንፈትሽ፣ ሎሀ ቤትናተ፣ ሎሀ ቤት ከረ ፍላንተ እት እንብል እት ረኣሰለ ኣቅሹን እት ንትሴሴ ንውዕል ዐልኩ። ኣነ እተ ለዐልኮ እተ ቅሸን እት እትሰለል፣ እለን ክልኤ ጋምላት ወዐባዩ ዓጩይ መን ገብእ ሸትለየን? ወሸትለን እት ህለ ህዩ ሚ እንዴ ቤላ ልትሃጌ ክም ዐለ፣ ምክ ህዩ ሚ ፊነ ዐለት እሉ ገብእ?” እት እብል እብ ናይ ንእሽ ፈሀምዬ እት መራመር ዐልኩ።

ዱሼን

ኣነ እብ ሚቱ እንዴ ይእደሌ፣ ሰነን’ለ ዐድ እግለ ለክልኤ ጋምላት ወዐባዩ ለዐለት እተን ደብሰት “ቤት ምህር ዱሼን” ልቡለ ዐለው። ሐቱ ኣምዕል ምር ፈረሱ ለበደ ምኑ ግዋሬነ፣ እግል ምርት እናሰ ዐቢ፣ እብለ ፈረሱ ትሰኣለዩ። ለእናሰ ዐቢ “ማሌ ምሴ እት ቤት ምህር ዱሼን ብዘሓም ኣፍሩስ እርኤ ዐልኩ። እቱ እንዴ ግስከ ሕዘዩ።” እት ልብሉ ሰምዐኩ። ሕናመ እብ እንክርን ዐባዩ ቤለው እንዴ እምቤ፣ “ሰረይር እግል ንጽብዋ ቤት ምህር ዱሼን ኒጊሱ።” እምብል ዐልኩ።

ገሌ ኣንፋር እት ዘበን ቅዱም እተ ውቅል ደብሰት ቤት ምህር ክም ዐለት ህድጎ። ኣነ ደኣም ብዙሕ ዶል እተ ኣነት ምንመ ኣትቀባብል፣ ኣሰር ናይ መባኒ ምክ ድበን ናይ ክርረ ርኢ ይኣኑ። “እትለ ደብሰት ቤት ምህር ከፎ እግል ትትሸቁ ትቀድር? እንዴ እቤመ ሐሰብኩ። ሐቱ ኣምዕል ህዩ እግለ ግዋሬነ ሰብ ዐባዩ፣ ዱሼን መንቱ ወበዐል ሚቱ?” እንዴ እቤ ትሰኣልኩሆም። ምር ምኖም ማሸግ እት እንቱ፣ “ዱሼን ኣዜመ እንሰር ሚ ኢህለ? ክም እለ ዮም ህለየ እንዴ ኢደግልል፣ ለወቅት ለህይ ኮምሶሞል ምነ ልትበህሎ ዕዱ መሕበር ሹዕዩን ሸባባት ዐለ። ቀደም ብዙሕ ሰኒን እተ እለ ትርኤ ህሌክ ኣነት ቤት ምህር ካሰት ዐለ። እተ እግል ኣድርሱቱ እንዴ ቤለ፣ ዱሼን ሐቱ ለኢትነፍዕ ራኩብት ሻቂ ዐለ። ለሰሚት ለዋኣት እቱ እንዲ ኢኮን ህቱ ለሸቀዩ ዐቢ ጋር ህለ ኢመሰለኒ። እግል እሻረት ለትገብእ ሐቱ እበነትመ ኣለቡ እተ።” እንዴ ቤለ እብ ኣትማሻሸ ወኣትናኣሽ ዳገመ እዩ። ኣነ እግል ዱሼን ሰኒ ወኣማን ኣምሩ ዐልኩ። ዮም እትዘክሩ እት ህሌኩ፣ ምር ወቁል ወጠልፊሕ፣ ወሸውዩ እብር ለኣናበተዩ እናሱቱ። ቤቱ እት መዐደይ መሓዝ ለትትረኩብ ደሸዐቲት ንኢሸተ። ሸቅሉ ህዩ ለእት ዐድነ እብ ተዓውን ለልትሸተል ዓጩይ ኣሰተዮት ማይ ወመራቀበትተ። ዶል-ዶል እት ረኣሰ ፈረሱ እንዴ ገብኣ፣ እብ ባዮት መድረሰትነ መጽእ። እብ ልብዩ “ኮምሶሞል ለልትበህል፣ እት ዕምር ሕፋን ለህለ ሻብ፣ እት ለገብኣ ልግባእ እጅትማዓት እብ ሐጠር ለበልሰ ወለሻርክቱ። ከእስታዝ ዱሼን ከፎ እሊ ገብእ?” እት እብል እትሸከክ ዐልኩ። ኣዜ እንዴ ዐቤኮ እት መዲነት ክም መጽእኩ፣ እስታዝ ዱሼን ናይ መክተብ ቡስጠት ሸቃላይ ክም ገብኣ ሰምዐኩ። እት መዲነት ምንመ እመጽእ፣ ተእሪክ እስታዝ ዱሼን እግል ኣምር፣ ብዙሕ ሐዜ ዐልኩ። “እግል ኖሱ እግል ልቅረእ

ወልክተብ ለኢቀድር፣ ከፎ እንዴ ወደ ለኣደርስ ዐለ? እንዴ እቤ እትፈክር ዐልኩ።

ለሐልፈ ቀደም ምን ዐድነ ሐቱ ርሳሰት ቴሌግራም መጽተኒ። ጽብዋ’ለ ርሳሰት “ኣንፋር መሕረስ ተዓውን ቀርየትነ ግሩሽ እንዴ ኣትፋገረው፣ ቤት ምህር ሰበት ሸቀው፣ እት ሐፍለት መድሐራተ እግል ትሻርክ ዕዙም ህሌኩ።” ልብል ዐለ። ክእኒ ለትመስል መናሰበት ናይ ለዐቤኮ እቱ ዐድ እግል ትሕለፈኒ ሰበት ኢሐዜኩ፣ እት መዋዕጄ እግል እትረኩብ ሰተትኩ። እብ ረስም እዴ እመር ሰበት ኣነ፣ እግለ መናሰበት ለሸፊሕ ወመካሪት ኣርድ ዐድነ ለለኣርኤ፣ ኣርሳም እንዴ ረስምኮ ወነሰኣኩ፣ ቀደምለ መዋዕድ ኣሰክ ዐድነ ግስኩ። ለምን ውላድ ዐድነ ለትወቀለት ደረጀት ምህር ለበ ኣልቲናይመ ዕዝምት ክም ህሌት ሰምዐኩ። እት ዐድነ ክልኤ ዮም ክም ወዴት ኣሰክ ሞስኮ እግል ተኣቅብል ክምቱመ ሐበረውኒ። እለ እሲት እለ ቀደም መዲነት ጊሰተ፣ እት ዐድነ ደረሰይት ክም ዐለት፣ ወሰኒ ንኢሸ እት እንተ መዲነት ክም ጌሰትመ ዳገመው እዩ።

እትሊ ወቅት እሊ ኣልቲናይ ዕምረ ሕድ እንዴ ደራረኩ፣ ወጭገረ ሺበት ለኣብሀዘ እቱ፣ እሲት ማየ ሻርበት ጋብኣትተ። እት ጃምዐት ሞስኮ ኣነን ዐባይ ለበ ምደርሰት ፈልሰፈትተ። ሙብዘሐ ወቅተ እብ ሸቅል ኣድረሶት ወቅተ እት ካርጅ ምን ዐዳተ ለትሓልፎ። ኣልቲናይ ሸቅለ ብዙሕ ምንማቱ፣ እተ ለትረክበኒቱ ወቅት እብ ከበር ዐድነ ወእብ ተጠውር ኣርሳምዬ፣ እንዴ ኢትሰኣሰኒ ሓልፈት ኢትኣምር። ምን እሊ ወለዐል እግል ትትሃጀክ ምስልዩ ወቅተ ሰበት ኢሰምሕ እለ፣ ኣነ ምስለ እግል እትሃጀክ ወሰኒ እግል እትኣመር በኹት ራክብ ይኣኑ። ሐቱ ኣምዕል ደኣም ኣነ ኖሼ ኣሆ ይእትሰኣለ እንዴ እቤ፣ “ሰምዲ እስኪ ኣልቲናይ፣ እግልሚ ዐድነ እንዴ ግስኪ እግል ገሌ ኣምዴላት እቱ ኢትዓርፊ? ውላድ ዐድነ እብኪ ሰኒ ክም ልትሐበኖ ተኣምሪ ማሚ? ደኣም ሰበት ኢትመጽእዮም ወኢትጋንሕዮም ‘ጠልመተነ’ እንዴ ቤለው እት ዳግሞ ልትሰመዶ።” እቤለ።

“ኣይወ ኣማንነቱ። ሐቱ ኣምዕል ጊሰቼ ተርፍ ኢመሰለኒ። ዐድነ ምን ኢገይሰ ግድም ዕምር ወድብንኣድም እግል ልግባእ ቅሩብ ህለ። ኣዜ ላኪን ዐድነ ሰኒ ሰፍልልተ ህሌኩ።” ቴላተኒ፣ እት ትትሰራብብ። መናሰበት መድሓራትለ ቤት

ምህር እግል ትትኣንበት ቅሩብ ሳዖታት ክም ተርፈዩ፣ ኣልቲናይ እተ ኣነን እንዴ በጽሐት ምነ ዐረቢየት ትትከሬ ክም ረኣወ፣ ኩሎም እግለ መድሐራት ጅሙዓም ለዐለው ሰነን ወጋሽ ኣሰክ በደድ ቤለው። ሰላም እግል ሊቦለ ህዩ እት ደሩክ ሕድ ገብኣው። ኣልቲናይ እግል ኩሉ እብ ገጽ ባርህ እት ትትከበት ወትትሳለም፣ ኣሰክ እት ኣነነት ውቅል እግለ ዱሉይ ለዐለ መንበር ጌሰት። ወእንዴ ኣዋፈሐት ከፍ ወዴት። ለኢትጸበረቱ ገበይ ኩብቲ ሰበት ሳደፈየ ሐበን ትሰመዐዩ።

ኣልቲናይ ቀደም እለ እት ለትፈናተ መደይን ወድወል ለትፈናተ ዐባዩ ወነኣይሸ እጅትማዓት ሓድረትተ። ወለትፈናተ ዐባዩ እስትቅባል ጋብእ እግላቱ። ደኣም ክምእኒ ናይ ውላድ ዐደ፣ እንዴ ወዴት ለፈቱቱ ወልበ ለሸፈ ሰበት ኢዐለ፣ ምን ክልኤ ዕንተ እምብዕ ሐበን ወፈርሐት እንዴ ሓበረት ጀመም ኣበለት።

በርናምጅ እብ ዋጅብ ክም ትከሰተ፣ ቀይሐት ዕምቦባለ ዐድ እት ሕድ ለትኣሰረው ለትፈናተ ሓባር ለቦም ዕምቦባታት ወእት ሰጋድ ለልትኣሰር ሕብር ቀይሕ ለቡ ሻል እግል ኣልቲናይ ሀበው። ወእተ ናይ ጋሾታት ገፍተር ሰልፈይት እግል ትግባእ ፌርመተ እግል ትክሬ እሎም ዐዘመው። ግረ እሊ እብ ደረሰ ለቀርብ ለትፈናተ ዕፌ ትቀደመ። ለዕፌ ክም ተመ፣ ሙዲርለ መድረሰት እግል ኩሎም ጋሽ እት ቤቱ ጸብሕ ዐዘመዮም። እት ወቅት ጸብሕ ክሎም ሰነንለ ዐድ ኣልቲናይ እግል ዐዶም ክም ኣሰሚተ፣ ወእት ክለ ሶቭዬት ክም ኣትኣመረተ፣ ወህዮም እበ ሕቡናም ክምቶም ዳግሞ ሰበት ዐለው፣ ኣልቲናይ ዐደዱ ለሐልፈ ሐበን ትሰመዐዩ። ክእኒ እት ልብሎ እት ዳግሞ ምር ጅነ፣ እንዴ መጽኣ፣ እግለ ሙዲር ዐደድ ኣለቡ ረሰይል ቴሌግራም እብ ቡሰጣቱ ሀበዩ። ኩሉ ለረሰይል ናይለ ምነ እትለ ዐድ እንዴ ደርሰው ወኣዜ እት ለትፈናተው ኣነናት ዐባዩ ኣሸቃል ለኣገዱ ለህለው፣ ውላድ እለ ዐድቱ ለዐለ። እብ ሰብሰ ሸቅሎም እግል ልሕደሮ ሰበት ኢቀድረው፣ ናይ ኣሰናይኩም ልእኮታትቱ ለዐለ። ሙዲርለ መድረሰት እግለ ጅነ፣ “እሊ ኩሉ ረሰይል ለኣምጽኣ ለድግለል ዱሼንቱ?” እት ልብል ትሰኣለዩ። “ኣይወ ሸውዩ ሰበት ተኣኸረ፣ ለረሰይል እትለ መናሰበት እግል ልትቀረኝ ሰበት ቤላቱ እብ ሰዐይ ለመጽኣ።” ቤለዩ። ለሙዲር “ከትዕብ ሐቆ ህለ እቱ በሉ፣ ሚቱ እት ከደን በዋር” ክም ቤለዩ፣ ለጅነ ዱሼን እግል ልትላኪ ከደን ፈግረ።

ክታብ ‘አርወሐትኪ አተክሪ’

እት የም 30 ማርች 2018 ምን ገጽ ምሴ መድሐራት ክታብ “አርወሐትኪ አተክሪ” ዲብ ሐረት መንተዘ ወመዋዕም ዐርበነ እብ ደረሳይ ዕመማይት ደክተረት መሐመድ እድሪስ ሓምድ (ኮምፕዩተር) ክም ገብአት፡ እተ ሐልፈት ጥብቦት ካትባም እልኩም ዐልኩ፡ ከዮም ከልፍየት ኬትባይ፡ ክምሰልሁመ እተ መናሰበት መድሐራት ምነ ለሐድረው መቃበለት ለወዴኩ ምሰሎም ሸባን፡ ረአየም ካትብ እግልኩም ሀሌኩ፡ ቅራኡት በኪተት።

ሐጫር ከልፍየት ኬትባይ

እብ፡ ሰሕፊ ሱሌማን ዑሰማን ዐቤ መሐመድ እድሪስ ሓምድ እት ሰነት 1991 ዲብ አስቃቅ ምዴርየት ሀበሮ ምን ሐረሰቶት ዋልዴን ትወለደ። እተ ባካት ለሀይ ዲብ ቅሩባት መድረሰት ሰበት ይዐለት፡ ዕምር ድራሰት ክም ሐልፈዩ፡ ወድ 9 ሰነት እት እንቱ በክት እንበተት ድራሰት ረክበ።

እት መድረሰት ሸሂድ እስማዒል አዝሀሪ (ሀበሮ-ጳዕደ) ሀይ ምን 1ይ-8ይ ፊሰል ደርሰ። ምኑመ እት ሀበሮ-ጳዕደ መድረሰት 2ይት ደረጃት ሰበት ይዐለት፡ “ፕሊቢ እግል ምሀሮ” እንዴ ቤል፡ እት ዐሪታይ ናይ 2ይት ደረጃት ምሀሮሁ፡ ዶል ምሰል አቃርቡ ወዶልመ እብ በይኑ ክዋነ እት ልትመቼቱ ለአተላለፍ፡ መሐመድ እድሪስ ሓምድ፡ እት ኩሉ መራሐል ድራሰቱ ምነ ዕዉታም ደረሰ ሰበት ዐሉ፡ ምን ረኪብ ጀዋእዝ እትኩሩም

ኢለአምር። 12ይ ፊሰል እግል ልድረሰ፡ እት 24ይት ደውረት ክድመት



ወጠን ሳወ ክም ትክራሙ፡ እበ እት ምሀሮሁ ለዐለት እሉ ረቅበት ወጅሀድ፡ ረቢ ሰደዩ ከ3.8 እንዴ አምጸአ ኩልየት ዓፍየት አሰመረ እተ።

መሐምድ-እድሪስ ምነ ረክበዩ ጀዋእዝ ዐባዩ ምን እንረኡ ሀይ፡ እግል ፈዳብያም ደረሰ አቅሊም ዐንሰበ ለትትሀየብ አካዳምያይት “ጃእዘት ሻሎት” እብ 97% እንዴ ተወወተ እበ ሳወ ክሩይ ዐሉ። ምን ሳወ ክም አቅበላመ፡ እግል

ፈዳብያም ደረሰ ደውለት እት አካዳምያ ለትትሀየብ ጃእዘት ዛግሬ ነሰአ።

አዜ ሀይ፡ እት ኩልየት ዕመማይት ደክተረት አሮተ (OROTTA SCHOOL OF MEDICINE) ደርሰ እት ሀላ ቱ፡ መጦርለ ዕርፍ ለኢትሀይብ ድራሰት ዕሉም ዓፍየት፡ የም እሊ “አርወሐትኪ አተክሪ” ለልብል ብክር ክታቡ ጀባእ ልብለነ ለሀለ።

እሊ በሀለት መሐመድ እድሪስ እብለ እት ደርሰ ወእብላመ ለደርሰዩ ዕሉም ዓፍየት ምኑ እግል ገቢል ነፍዕ ለቤለዩ እት ለዐራቤ፡ ለልትሐመድ ወቀይ እቱ ዕትልና ሀለ። ከመሐመድ እድሪስ “አሰናይ እትለ አብጽሐኪ ወፍሬ ተዐበትክ አብተኬክ” እት እንብሉ፡ ዕምር ጥወል ወዐቦት እት ሐያት ክታብት ወአፍሀሞት ገቢሉ እት ንተምኔ እሉ፡ ግረ እላመ ስእያምክ ሕነ ወነሐርክ ኢልደበእ እንብሉ። ክል ሻብ-ዳርሰ ሀይ፡ ደርብ መሐመድ እድሪስ እግል ልጽበዋ ወእብ ዕልም፡ ገቢሉ ወደውለቱ እግል ልነውር፡ ትምኔት ክል ሔዝያይ ሰኔት ተ።

ረአይ መሸተርከት

ዎሮ ምነ እት መድሐራት ክታብ “አርወሐትኪ አተክሪ”



ሚልክደስ ገብረእዝጋብሄር ምን ኩልየት ሕድራም ለዐለው በባብ፡ ሚልክደስ ገብረእዝጋብሄር ምን ኩልየት

ዓም ሕክምና አሮተ 4ይት ሰነት ቱ። ሀቱ “እግል መ/እድሪስ ኮምፕዩተር አሰናይክ እብሉ፡ እግል ገቢሉ እት ንኡሽ ዕምሩ፡ እብ ክእነ መሰል ክታብ ኔፍዓይ ባሸሩ እት ሀለ፡ ሐበን ልትሰመዐኒ!” ቤለ። “ቅራኡት ትትለመድ እቡ ለይህሌት አሰባብ ሚ ቱ?” ክም እቤሉ፡ “እትሊ ወክድ ጎነ ለበዝሐ አዳም ለድሩስ ምን ገብእ ወሐብሬ እብ ለቀለት ገበይ እብ አፍላም ወክትብ ረቂቅ (ሶፍት-ወይር) ረክበ ሰበት ሀለ፡ አክትበት ክም በዲሩ ልተረእ አሀለ፡ ሕነ ሸባብ ላኪን፡ እግል ንትጠወር ሐቆ ገብአኑ ምን ክታብ እግል ኒሪም አለብኝ” ልብል።

ያሲን መሐመድ አድም ምን ኩልየት ዕሉም ወቱክኖሎጂ ማይ-ነፍሐ ቅስም ተዕዲን እት ገብእ፡ መንፈዐትለ ክታብ እግል አንሳት እበ ክም ትሰአልክወ፡ “እግል አንሳት፡ እብ ክእነ ሸክል ልትዳሌ ለሀለ ሰልፋይ ክታብ እብሉ። አንሳይት ሀይ፡ እግል ኖሰ እንዴ አመረት፡ ለአምረ ዲብ አጀኒቲ፡ ሐዋተ ወኩሉ መጅተመዕ ሰበት ተሓልፋ፡ ኬትባይ እትለ ሐምዴ ዛይደት ተአስትሀለ። ክእነ መናሰባት ሰቃፊት ሀይ፡ እግል ልተላሌ ወሸባን እት ክታብት እግል ልትናየቶ ሰእየቼ ዐባይ ተ” እት ልብል፡ አንሳት ምን እሊ ክታብ መሻክል ወሕማማት ነፍሰን እንዴ አመረዩ፡ ውላደን፡ ሐወን ወሐዋተን እግል ለአትአምረ ትወሰ።

“ለመናሰበት ብዙሕ ተዐልመኩ። ሸባብ ለመድ ቅራኡት ሰብቀ ዲቦም ምን ገብእ፡ አክትበት ኔፍዓይ እግል ልክተቦ ሴድያይ ቱ። ለቀርእ ቱ ክታብ ሰኒ ለልአፊሬ፡ ከእብሊ ሸባብ እት ቅራኡት አቅብሎ እብሎም ወአንሳትመ እብሊ ክታብ ሐካይም ነፍሰን እግል ልግበአ



ያሲን መሐመድ አድም ቅስም ተዕዲን - ማይ ነፍሐ

ከምን ሕማማት ልንጀየ ሰእየቼ ተ” ወሰክ ያሲን። እግል መ/እድሪስ፡ አካን ዋልዳይት፡ ሕት ወበዐል ፈረዕ እንዴ አመረ ክታብ አርወሐትኪ አተክሪ ምን አዳለ ሀይ ሐመደዩ ወሳነደዩ።

ሻበት ሰፊእ ኢብራሂም ምን ኩልየት ዕሉም ወቱክኖሎጂ ማይ-ነፍሐ



ሻበት ሰፊእ ኢብራሂም ኩልየት ዕሉም ወቱክኖሎጂ ማይ-ነፍሐ

ነፍሐ ቱ። እተ ክታብ ረእየ ዲብ ተሀይብ፡ “ለክታብ ለዕንዋኑ ዶል ረኤት ትረይሐኮ እሉ። ክም እሊ እት አንሳት እንዴ ረከዜ፡ አምራደን እንዴ አመረየ እት ሕሉል መሻክሉ እግል ልትበገሰ ወምን ሕማም ልንገዩ መሐመድ እድሪስ ለነስአየ በዳሪት ለትትሐመድ ተ” ትቤ። “ሻብ ሰነት ክታብ ሰኒ ዶል ከትብ እግልነ ሀይ፡ ሕናመ ደርቡ እብ ክል ምህነትን እግል ገቢል ነሬዕ ለእንብሉ አክትበት እግል ንክብብ ለልአትናይት ቱ” አትዐሬት ሰፊእ። ሕናመ እግል ኬትባይ “ነሐርክ ኢልደበእ፡ ምነ በሐር ዕልምክ ግረ እላመ አተክክር ዲብነ” እንብሉ።

እተ መናሰበት ሸዕር ለቀደመ፡ ደረሳይ ዕሉም አንያብ እድሪስ መሕመድ መሐመድ እት ገብእ፡ ለሸዕሩ እለ ለተ’ሌ ተ።

የ’መ ሰዕኮ ብሸራት

የ’መ ትደገምክወ ብሸራት ከበር ለደሚር ረዩሕ ብሸራት ለእዝን ተአሰሚዕ ወዕን ተአገኔሕ ብሸራት ለጽልመት ትገልጽ፡ ወምድር ተአተጽቤሕ ብሸራት ለገቢል ተአረዋ ወገበይ ዐውቱ ትመሬሕ ብሸራት፡ ብሸራት ለቃዊ ተአደርሰ ወከለዋ ትሰቡሕ።

የ’መ ለድላለት ትነደቀት ወሸንኬባይ ተአሰረ ገቢል ትግራይት እት ሐቱ ጢሾ ተዐገለ ቅራኡት ተሐኸከ ወዐመር ዕልም ተሓወለ ገቢል ለዛይደት ምርወቱ አትለ ወጸንበለ ክታብ መንገፎ አንሳይት ሰምደ ወተዐሸለ።

ዔለ ቁጫብ ኢኮን ወኢትትወረድ እብ ፈንታይ እፎት ደብር ኢኮን ከረም ጠልል ወትነሸፍ ሐጋይ ጥዑም ከሊማት እግል ምብላስ ወሕላይ ኢትትከለስ ‘ግል ቁርኣይ ወኢትትከለስ ‘ግል ኬትባይ እግል ትግራይት እቤለ ምን ለሀሌ መትክሕዳይ።

እለ ቅዙር ዓዩነ እብ ትግራት ትትወረድ ለበሐረ ኢትትከለስ ወኢትትከለስ ዎሮትክ እግል ርሐ ሸንክለ ገሌ ከትብ መሰሎሊብ ወገሌ ለተእሪክ ፈሰረ ሄራር ምንመ ለአተላሌ ኢልትበጸሕ ጀፈረ። ተ’መ እለ ምራደ ወገምለ እለ መሕበረ አክትብት፡ ጀራይድ ወመጀላት ለወራታቱ ትሰርገለ ምሀዞ ሐዲስ ወተእሪክ ቀደም ኩሉ ትፈሰረ ዕሉም ወቱክኖሎጂ ለሀይክ አሰር ለሀይ ካተረ ኢትትጽፍ እብ ቁጫብ ዋልዳይቼ ለበሐረ ነባተ ትበቅል ምን ምድር ወዲመ ትትጋዩም ለዐስተረ።

እለ በሐር ትግራይት እብ አትቃዋስ ኢትትዐሬ ለጥዑም ቃላተ ተሐሬ ምኑ ወትከሬ ጥረ ወጋብ ተ ዘብዋ እበ ወትዋሬ ተአሰሚዕ እብ ትትበአስ እበ ወትትዓሬ ጥዑም ዘያታተ ለአልባብ ሰብኡ ሳሬ ቅዝር ለዓማቱ ምን ክል አካን ዘሬ።

ሴማመ አለበ እኪት ለእለ ትለክፍ ሐቱ ለከሊመት ለተርጀመተ እብ አልፍ ሐዲስ ተአደርሰከ ወበዲር ለሓልፍ ለዘያታተ ልብክ ሳሬ እብ ከሊመት ወሐርፍ።

አብሸር ብኪ አዜመ አሰርለ ቀዳምያም ጂልኪ ለሐዲስ ትፈረረ ደክቶር መሐመድ እድሪስ



ወድ ሓምድ ለአርእስ ዐባይ አፍገረ ሕማማት አንሳይት ወአዛሁ እብ ከሊማትኪ ፈሰረ ‘አርወሐትኪ አተክሪ’ ቤለየ ወለገበይ ሐበረ በዐል መቅደረት ወንዩት፡ ህግዩ ላቲን ወግሪክ እብ ትግራይት ፋሰለ

ሻምኪ ከብደ ዲቡ ከትዐንደቀ እግል ለአትምም ምራድኪ ‘ግል ትገንድሊ እት ቀዕረት ወትግመል ሐረትኪ ሰምኪ እግል ትትወቀል ወትሸነኒ መጦር ሰናትኪ ‘ግል ልትሐኸክ ቅራኡት ወልርዋ ፈታይኪ። መክሰቡ እንቲ ወማሉ እት አካንኪ ሐቱ ኢለሐሬ ጥረ ፋሹ ወሐበኑ እግል ጸጎት ወሕዋሌ ወጅህት ወዕግል፡ ሕምርግት አለብኪ ትትጻሬ በዕለ ወወድ በዕለ ውላድኪ ሕሳል ዐቦትኪ ምን ዋሌ። ሰኒ ትቤ ወድ በዕለ ምን ተአገምል መሕበረ ወድ ዓማት አማነ ሻከት ቅዝር ሐንፈለ እንተ ምንዲ ትወርደ መሐንብሳይለ በሐረ ኢትአምሩ ቁጫበ ወጀቂፍ ምንለ ጀፈረ።

ሰልፍ ኬርቱ እሊመ ለክቱብነ ግድም ታከበ አክትብት፡ ጀራይድ ወመጀላት እብ ሐት-ሐቱ ትረተበ ዕሉም ወቱክኖሎጂ ክም ምራዱ አከበ አምር ፋዩሕ ወፍክር ቀርአ ወሐያየበ ወለጋሻይ ትግራይት እብ ቅራኡት ተሐረበ።

እድሪስ መሕመድ መሐመድ - Dental Department

እብ መናሰበት 25 ሰነት ዲድ እስትቅላል ኤረትሮፕ ክምሰል አተላላይ ናይላ ተጃርብ ንዓል ለሰላኪ እብ ዶልዶሉ ልትከተብ ለዐለ ቅሰሰ ታሪክ ንዓል አዋልድ አንሳት ኤረትሮፕ ሐጠረኹ ፍርስተኹ መትሰባለን ውበዕድ ወጠንያይ ወራታተን ለሰላኪ ክታብ ጠበቡ። ከክምሰል መእተዋ ናይላ ክታብ ለትከተብ ጽበዋ ልተላላ ከእግል የም ያይ ወናይ ደንገበ ክፈል፡-

ዐድ ወካርጅ ለመጽአየ፡ ወካይል መሓብር አንሳት፡ ዲብ ድጌ ሰውረት ናይ ጀብህት ሽዕብየት ሳሕል በህለት ዲብ አራግ አወላይ ወተእሲሲ ሙእተመረን እንዴ ወደየ መሕበር ወጠን አዋልድ አንሳት ኤረትሮፕ-መ\ወ\አ\አ\ኤ አሰሰየ።

ልእከአት መሕበር ወጠን አንሳት ኤረትሮፕ፡ እግል አንሳት ዲብላ ድድ እቅጣዕየት፡ እምበራጦርየት ወናይ ከርስ ቤልሰት ሐር እብ ማርሒት



እት 1978 ኤረትሮፕት አንሳት ዲብ ዐድ ወካርጅ መሕበር ወጠኒ እግል ለእሰሴ፡ ሙእተመር ወጠኒ እግል ሊደየ ልትዳለየ ዲብ ሀለየ፡ እብ ሰበብ መትአታይ እተሓድ ሶፔት ሚዛን ዐሰከርየት እንዴ ትበደለት፡ ሰውረት ኤረትሮፕ ዲብ መርሐለት ሰትራቴጅያይ እንሰሓብ ሰበት አቴት፡ ምስለ ዐለ ሕፋን ቴለል ዐሰከሪ ወድጌ ሰውረት ናይ አሰሶት ንዓል እት ዐመል እግል ልውዐል ኢቀድረ። ዲሽ ጀብህት ሽዕብየት፡ ምን ኩሉ ለእሉ ጽብዋ ዐለ ባካት ኤረትሮፕ እንዴ አንሰሐበ ዲብ ሳሕል ድጌ ሕጡዋ እንዴ አድመነ አተላላይ ሰውረት እንዴ አተበተ ዲብ 1979፡ ምን ቀበት

ጀብህት ሽዕብየ ተሕሪር ኤረትሮፕ ትገብእ ለዐለት ወጠንያይት ደሞቅራሲያይት ሰውረት እብለ ትወቀለት እግል ልሻርክ አፍዝየት፡ ዝዋጥት ወሰልሐት፡ ድድለ ዲብ ሙጅተመዕ ኤረትሮፕ ዓምም ለዐለ አፍካር አበውየት ወድንጉር ዓዓት እንዴ ናደለየ ሕርየት ወመሳዋት አንሳት እብ ዐመል አሴራር፡ እግል አንሳት ለሽሰሰ እቅትሳድያይ ወመሕበራይ ወቃትንይ መሻክል ሐል ባሰርት ክምሰልሁመ ንዓል አንሳት ኤረትሮፕ ምስል ንዓል አንሳት ዐለም አትአመሮት ወአትጸበጦት ለልብል ዐለ።

እሊ መሕበር እሊ ክም ነቲጀት ፈዛዐት ወመትዛም ኤረትሮፕት



ንዓል አንሳት

አንሳት ወፈዓልየት መሻረከትን ዲብ ሰውረት፡ ዲብ ከርስ ጀብህት ሽዕብየት ለትወለድ፡ አዋልድ አንሳት ኤረትሮፕ ዲብ ረዩም ናይ ንዓል ታሪክን እግል ልክለቃሁ ለቀድረየ ለዐበ መትዛም። ዲብ ንዓል ጀለ እስትቅላል ወጠን ልግበእ ወሐቅ ወመሳዋት አንሳት እግል አክዶት እተ ገብአ ጅህድ ለአግደየ ዶር ሀዬ ቀሊል የዐለ።

ፍሬ ንዓል ወእስትሸሃድ

ለተሐብን ፈራሰት ወንዓል አንሳት ዲብ ንዓል ተሕሪር፡ ዲብ ሐዲስ አው ዘበናይ ታሪክ ገባይል ዐለም፡ ለልትሳኖ ሐድ ሌጣቱ ለልትሪከብ ምን ልትበህል አትራዝቅ ኢኮን። እብ ዐደድ ለአለቡ ምስትንክራት ርዙቅ ሰበት ገብአ ሀዬ፡ አትራዝቅ፡ ዓረርት ወናቀሾት ኢሊሐዜ። አኪድ ሀዬ ንዓል ሽዑብ ኤረትሮፕ ጀለ ተሕሪር እምበል ግዴት ወመሻረከት አንሳት በታተን ታምም ወኢገብእ። ሰበት እሊ ዶር ወአካን አንሳት ኤረትሮፕ ዲብ ታሪክ ሰኒ ቃልየት ተ።

ከእብ ዐመል መሻረከት አንሳት ወለደፍዐያሁ እስትሸሃድ ቃሊ እግል ዐውቴ ሽዑብ ኤረትሮፕ አኪድ ወደየ ሌጠ እንዴ ኢገብእ፡ ድንጉር አፍካር ምን ቅርዱ እንዴ መሐ ለክፈዶ፡ እግል ሰው መዐየ እግል ልትነደቅ ለገብአ ንዓል ሰኒ



ምስል ብዕድ መትዛም ገበል ዶል ልትቃረን ለዐቤት ዐለት።

እሊ ለለሐብን ናይ ታሪክ ዶር እሊ፡ አንሳት ኤረትሮፕ እግል ዲብ ናይ አቦይ ነበርይ (traditional role) ክኖሶ ለዐለ ዶረን ዲብ ኩሉ መጃላት እንዴ ፈይሐ፡ ስያሴያይ፡ እቅትሳድያይ፡ እጅትማዕያይ ወናይ ዓዓት መትዐዳየን እግል ለአክደ ለአቅደረየን። ለዲብ እዋን ንዓል ለተሐሉት “ደሐን ለሀበክ ውሻጢ” ለትብል ሕላየት እምር፡ እግል አንሳይት ኤረትሮፕ ለባተክቶ ጀነጅር ለትበይንተ።

“.... ደሐን ለሀበክ ውሻጢ መሕቡስክ ካደት ገርገራክ ሰረርኮ ቀይድክ ባተኮ ረአሼ ረፍዐኮ”

ድፉን ነብር ለዐለ ናይ አደሚ ደቅበ ፈድል ሰውረት ገበይ እንዴ ትፈተሐት እሉ ምን ሐሶስ ዲብ ትርድት መናድለት ትበደለት። ሰውረትነ ሀዬ እምበል መሻረከት አንሳይት ወኢተዐውተት። እሊ አሰክ እሊ ዲብ ኤረትሮፕት አንሳት ርኡይ ለሀለ ተቅዩር በቢ ምንማቱ እግል ነአማድድ እቡ አለብኩ። ዲብ ኤረትሮፕ እግል ውላድ ተብዕን ለትቀተረ እብ አዋልድ አንሳት ለኢልትበጸሕ አካናት እግል ለሀሌ አለቡ።

እሊ እብ መናሰበት እየቤል ፍዴ እስትቅላል ኤረትሮፕ ልትጠበዕ ለሀለ ክታብ፡ ለትከምከመ ቅሰሰ ሐጫይር በገ፡ ኤረትሮፕት አንሳት ድድ እስትዕማር ወድንጉር



ወእማን ቀደም ዋለዩ። ዲብ ታሪክ ሐረካት ተሕሪር ዐለምን ሀዬ ዛህረት ሰኒ ፍንቲት ተ። ዲብለ ትሰደድ፡ እስትሸሃድ ብዙሕ ለደፊዐ እቱ ወሐርብ ድቁብ ገብእ እቱ ለዐለ መራሕል ናይ ንዓል ተሕሪር፡ ሐድ 30 ምእታይት ናይ ሙናድሊን ጀብህት ሽዕብየት አንሳት ሰበት ዐለየ ለልትደፊዕ ዐውል አክል አዩ ክቡድ ክም ዐለ እግል ትፍሀም ለልሐይል ኢኮን። ናይለ ዲብለ ትፈናተ አካናት ዲብ ቀበት ዐድ ወካርጅ እንዴ ገብአየ ዲብ ሐን ዕዛል ጀብህት ሽዕብየት እንዴ ትዝመየ ናድላ ለዐለየ አንሳት ኤረትሮፕ ለዐለት እለን ግዴት ሀዬ

እሊ እብ ሐለት ንዓል ወእስትሸሃድ ቃሊ ወውቅል መሻረከት አንሳት ለተአክደ ተቅዩር አሳሲ፡ ዲብ ሙስተቅለት ኤረትሮፕመ እንዴ ተረደ ጀላብ እግል ለአተላላ፡ ዲብ ሰነት 1994 ለአጅተመዐ ሳልሰ ሙእተመር ጀብህት ሽዕብየት ለፈግረት መሰወደት ጀብህት ሽዕብየት ቀድየት ሕቁቅ ወመሳዋት አንሳት እብ ክእነ ተሌ ውስቅቱ ሀሌት።

“... ለክም መክሉቀት ድዲት ወሐዋኒት እግል አዝቡን ተሐት እናስ እንዴ ትትዐለብ ደሀስ ትገብእ ለነብረት አንሳይት ኤረትሮፕ

ዓዓት ንዓል ዕጹፍ እንዴ ናደለየ እስትቅላል ወጠን፡ መሳዋት ፍንጌ ክልአት ለጅንሰ ወሕቁቀን እግል ለአክደ ለሐልፈሁ ሄራር ጽኖ፡ ለወደያሁ ምስትንክራት ወለደፍዐያሁ እስትሸሃድ ቃሊ እግል ለአርኤ ለወዋንተ። እትሊ ክታብ እሊ ለሀለ ቅሰሰ ሳኪን፡ እግል ታሪክ ወፈራሰት አንሳት እብ ከግል እግል ልሸረሕ ለቀድር ኢኮን። እግል ፈይሐ ወለቆረ ድራሳት ውብሐሰ እግል ልደርክ ወመበገስ እግል ልግበእ ሳኪን ሰእየት መትዳልየት ተ።



ዘህረ ዐሊ



ሐቴ መደት ሐቴ ቤት እብ አነጹት ለሳክናተ ነብረት። እሊ ከበር እሊ ድሙ ሰምዐቱ። ገድም ድሙ አስከለ ቤት እንዴ ጌሰት እብ ሐት-ሐቴ እግል ትትለቀመን አንበተት። ዐንጹት ሐያተን ዲብ መደረት ክም ትከፊት ሰበት ፈሀመየ ወፈንየ ክም ህለየ ሰበት ፈርሀየ፣ ምን አግባብን እግል ኢልፍገረ ትፋሀመየ። እብሊ ህዩ ለድሙ ክም ቀደመ እግል

ፔንጉን ዲብ ግብለታይ ክቢ እዲነ ለልትረከቦ ለኢነፍሮ ወዲብ ማይ ወምድር ለነብሮ ጅንሰ ሰራይር ቶም። ለብዝሐው ፔንጉን አፍልቦም (ነሐሮም) ጸዐደ፣ ረአሶም ወዴጸቶም ህዩ ጸሊም ቱ። ሕብር ብዕድ ለቦመ መ ህለው። እገር ቀደሞም ሐጨር፣ ክምሰልሁመ ሸንክት ዔጸቶም ሰበት ቀርብ፣ እብ እገር ሐሮም ትክ እንዴ ቤለው ክም ሰብ ክልኤ እግር ቶም ለልሄር። ምን 17 አጅናሰ ፔንጉን ለዐበው እብ “መናቢት ፔንጉን” ለልትአመሮ ዲብ ገብኦ፣ ብጥረቶም 12 ምትር በጼሕ። ግራሆም ለልትረተቦ ህዩ “ሹም ፔንጉን” እብ ትብል ሰሜት ልትአመሮ። ብጥረቶም ህዩ ሐድ ዎሮት ምትር ገቢእ። እሎም ክልኦት አጅናሰ ፔንጉን እብ ዓመት ዲብ በረድ ኢትላንቲክ ቶም ለልትረከቦ።

ምን ተጃርብከ ደመመት። ሰበት እሊ ዎሮት ብላይ ባሊ እንዴ ከማተተት ዲቡ ትገፍተኦት ከማይተት ትመሴሰለት። ላመ ዐንጹት ምድር ሰላም ሀለዮቱ እግል ለአክደ፣ ምን አግባብን እብ ሐት-ሐቴ እግል ልትፋገረ አንበተየ። ዲብ ርሕ ለአለብ ትመሰል ለዐለት ድሙ እንዴ ኢቀርብ ላኪን፣ ሐቴ እብ ዕምር ምንን ለዐቤት ዐንጻይ፣

ፔንጉን ለትሩድ ደነብሮም አክልሐድ ክም መሐንበሲ ክፋል ናይለ ብዕዳም ኔብረት ማይ እንዴ ገብኦ ከድም እግሎም። ጭገር ደነብሮም ምን ናይ ሰራይር ፍንቲ ለቤለ እንዴ ገብኦ፣ እዋኑ ዶል ተምም እት ሐቴ ዶል ክሉ ልትከፍከፍ። እሊ ጭገር-ደነብር ለትከፍከፈ ምኑ ፔንጉን ህዩ ዲብ ማይ ኢለኦቱ። ፔንጉን እንዴ ልሄር፣ ነዋር፣ አው ህዩ እብ አፍ ልቦም እንዴ ልሸሕጎ እግል ሊጊሶ ቀድሮ። ሰኒ ትሩዳም መሐንብሰት ሰበት ቶም፣ አክሰጅን እንዴ ሰሐበው ጅውጅው ዲብ ቀበት ማይ ለሐምሶ። እት ረአሰለ ማይ እንዴ ፈግረው ህዩ ምን ሐዲስ ሀወእ (አክሰጅን) እንዴ ሰሐበው ቀበተ ማዮም ልተርከሾ።

መራዐየት ዓፍዮት አንድብ አግሩዝ ወአጀኒት

ምዕራፍ 8

8. ገሌ ምን ለመድ አፍ

ምስል አፍ ለልትጸበጥ ለኢለኦትካርም መዋዲት፣ ዲብ አፍ ለልትርኤ ለመድ(oral habits) እንዴ ትበህለ ልትሰሜ። እሊ ናይ አፍ ለመድ ዲብ ዓፍዮት ለቡቱ ዶር ብዙሕ ዐቢ ምንመ ኢኮን፣ ዲብ ተጠውር ገጽ፣ ዲብ ንክሸት አው መትላዋኦት ክልኦት ነክክ እት ክምሰልሁመ ግዳማይ ግርመት ናይለ ነፈር ዶር ዐቢ ህለ እግሎም። እሊ ዲብ አፍ ለልትርኤ ለመድ መብዝሐ ዶል ምን ውላድ ሰለሰ ሰነት አሰክ ውላድ አርበዕ ሰነት ለዕምሮም አጀኒት ልትርኤ።

እሊ ለመድ እሊ አመሮቱ ወፈረጎቱ ምህም ጋር ቱ። እሰልፍ ህዩ እብ ዋልዴን ወሐኪም አንድብ ልትፈረጎ። እሊ ተዩልል እሊ እግል ፈረጎት እት ክል ሰነት ዲብ ሐኪም አንድብ እንዴ ግሰነ ከሸፍ ውድዮት ለኦትሐዜ። መብዝሐ ዶል እሊ ለመድ እሊ እት ወቅት አንድብ-ንእሽ ልትርኤ። አንድብ-ዕብ በቂል እንዴ ኢልኦትብት ህዩ

በዋር። እሊ ለመድ እሊ አሰክ እሊ ወቅት እሊ ሐቆ ይኦትካረመ፣ እግለ በቅል ለህለ አንድብ ተአሲር ሰበት ወዴ ዲቡ እንትበህ እግል ልግበእ ዲቡ ወጅብ። እሊ ለመድ እሊ ዲብ አንድብ ተቅዩር ብዙሕ ምንመ ኢወዴ፣ ለግርዝ እደዩ ጥባይ ሐቆ ይኦብጠረ ለሻቅል ጋር ቱ። ሰበቡ ህዩ ለጅነ አክለ እት ለዐቤ ጌሰ ለለመድ ሐቆ ይኦብጠረዩ “ሸንጉል ዲብ እንቱ፣ እት ቀበት መጅተመዕ እዴሁ ጠቤ” እንዴ ትበህለ ኦዳም ለሀድግ እቡ። ሰበት እሊ፣ እሊ ለመድ እሊ እግል ኦትካረሞት መራቀብት ወወቀይ ለኦትሐዜ።

እብ ብዝሐ ለልትርኤ ለመድ

- ጥባይ አጫቤዕ
- ጥባይ ረዳዐት
- ዋለሞት ንሳል እት ፍንጌ

ለዓል ወተሓት አንድብ

- እብ አፍ ኦተንፈሶት
- ጭፍር ንክሸት(ጭፍር ቀርጠጦት)
- ከንፈር ንክሸት---እሎም ለመሰሎ ቶም።

1. **ጥባይ አጫቤዕ**
ጥባይ አጫቤዕ እብ ብዝሐ ለልትርኤ ለመድ ቱ። ጥባይ

እብ ጠቢዐት ለልትርኤ ጋር-ፊፍሌክስ (reflex) ገብእ እት ሀላ፣ አጀኒት ግንፍሌሆም፣ ረዳዐት ወብዕድ ሓጃት ናይ ጥብዩት ለመድ ለአርኤ። እሊ ለመድ እሊ አግሩዝ ስምዲት ደማነት ክልቅ ዲቦም ወክምሰል ልትለወቅ ወድዮም።

መብዝሐ ዶል ዋልዴን እሊ ለመድ እሊ፣ ዲብ አንድብ ውላዶም ተእሲር እግል ኢልውዴ ልትሻቀሉ። አጀኒት ኦት-ሐቴ ዶል አው ዶል ለሐርቆ ለወድዉ ሐቆ ገብኦው ለልኦትሻቅል ኢኮን። እሊ መዋዲት እሊ አጀኒት አሰክ ውላድ አርበዕ ሰነት ገብኦ እብ ብዝሐ ልትርኤ።

ሰሮም ገሌ አጀኒት ሐቆ እሊ ዕምር እሊ እንዴ ለኦተላልዉ ልትርኦው። እሊ ዕምር እሊ አጀኒት ዲብ ረውደት ለልኦቱ ዲቡ ዕምር ሰበት ቱ ደቅጥ ወምክር ቤት ምህሮ ሰኒ ቱ። አጀኒት ውላድ ሰለሰ/አርበዕ ሰነት ዶል ገብኦ ጥባይ አጫቤዕ ምን ለኦትካሩሙ ለሐሳቱ። ጥባይ ኦብጠረው ምን ገብእ፣ ለበቅል አንድብ-ዕብ መደረት ኢትጀሬ ዲቡ።

አሰክ ውላድ ሐምስ ሰነት

ድረሰ

“ትደገገ አዋልጄ ነኣይሽ፣ ዕምርን ምሉእ ክእነ ትመሰል ድሙ ርእያም ይሕነ።” እንዴ ቴለተን እብ ሕሽክሸክ ምክረ ሀበተን።

ግረ እሊ ዲብ እንዴ ትገፍትኦት ህንጡዋልት ለዐለት ድሙ እንዴ ትወለበት፣ “ገድም መንባይቼ፣ ሆንጦጣል ሌጠ ኢኮን፣ ዲብ ሓጀት ብዕደትመ ምን ትትቀየሪ፣ ክሉ ረአሱ ጀፈርኪ ለቀርብ

የሀላ። ብዕድ ቃሺ እት ኢኮን ሕነ ወእንቲ ላተ ገድም ሐድ አለብነ ምን ንትአመር። ላብብ ህዩ ምን ተጃርቡ ቀዳም ደርሱ።” እንዴ ቴለተ ምስለ እግለን ትመክር ለዐለት ዐንጹት ለብዕዳድ ዲብ ግብ ትሸረበት። ምን እሊ ድግም ለእንፍህሙ ህዩ፣ ላባም ምን ተጃርቦም ደርሶ፣ እብ ኦትባዳይ ወሽግራት ዐዶሆም ክሉ-ረአሱ ኢልትቀሸሾ።

ዔማት፣ አድጋማት ኤዞፕ

መዕሉማት

- ሰሮም ገሌ አንፋር ናይ ኖሶም ሀዳይድ ወደሃይፍ ክልቀ። ዝላሞም ክምሰል ዘልመት ህዩ እብ ውሒዝ ኖሶም ልትገለው።
- ሰሮም ገሌአንፋር ለበክት ምን ኦዳም ለሐዝዉ፣ ምናተ፣ በክት ደሐኖም ውበቆቶም፣ ዓፍዮቶም ወሕማሞም፣ ሕግላኖም ወርዝቆም፣ ሕውናሆም ወሕምቆም ዲብ እዴሆም ቱ። አርወሐት ረቢ መንዩ ወኦዳም እብ ወቀዩ ለአሰንዩ፣ ሰበት እሊ ሕኔት እግል ብዕዳም ነኦትማርር እሰልፍ ርሕነ ንፈትሽ።
- ግብእ ወሽንርብ ትረስዑ፣ እንሳንዩት ወረሕመት ላተ ኢትትረስዐን።
- እግል ሰኔት ጸሩ ለለሐሰብ ሰኔት ኖሱ ዳምን ቱ።
- ለውቀት እብ ኖሰ እት ሸፍርክ ለተዐይር እንዴ ኢትገብእ፣ ኖሰክ ትክልቀ።
- ረሒም፣ ጸጋይ ወፈታይ እግል ትግበእ ለከርዐክ አለቡ። ሰኔት ክል-ዶል ዲብ እዴካ ቱ።
- ግዶዕ እግል ትሰደዩ ምንመ ኢትቀድር፣ ኢትእዘዩ። እብ ልብክ ረሐም ዲቡ፣ እለ ህዩ ትከፍዩ።
- ፈርሐት ወለውቀት ዲብ ዐደድ ተፍኪርክ ተኦተርግዘ። ሰበት እሊ፣ ሕኔት ለውቀት ተኦኖኬ እሰልፍ ተፍኪርክ ኦሰኔ።

ሐቆ ይኦትካረመዉ ላኪን እብ ዋልዴን ወሐኪም አንድብ ጌማም እንዴ ተህዩበዩ እግል ልህደጎ እቡ ወጅብ።

20% ምን አጀኒት ውላድ ሐምስ ሰነት እት እንቶም ጥባይ አጫቤዕ ለኦተላልዉ። እሎም አጀኒት እሎም ተለፍዝዮን እንዴ ልርኤ፣ እት ዐረብዩት እንዴ ገይሶ ወዲብ ምህሮ ግንፍሌሆም እንዴ ጠቡ ልትርኦው።

እሊ ለመድ እሊ ዲብ ዐባዩ አጀኒት ደረር አንድብ ወዴ። አንድብ-ዕብ እንዴ ኢበቅል ሐቆ ኦትካረመዉ ላተ ለናይ አንድብ መሻክል ኖሱ ልትሓዩሱ። አጀኒት እግል ወቅት ረዩም ግንፍሌሆም ሐቆ ጠበው ላተ መሻክል ብዙሕ እግል ለአምጽእ ዲቦም ቀድር። ሰበት እሊ፣ መሻክል ዐቅል ወገርብ እንዴ ኢልአመጽኦ ቴለሎም እንዴ ትፈረገ እግል ልትሳረው ወጅብ። ጅነ ምን ወድ ሰማን ሰነት አሰክ ወድ ዐሰር ክልኤ ሰነት ጥባይ ሐቆ ይኦትካረመ፣ “ኦርቶደንቲክ” ለልትበህል ኖዕ ሰራይ(ሕክምነ) ለኦትሐዝዩ።

አሻይር ጥባይ ግንፍሌ፦


- ዲብ አጫብዑ መሰናድር ለሀሌ፣

- ናይ ህግዩ ምሽክለት ተሀሌ እግሎም በህለት፣ ልቱት ገብእ፣
- ለልዓል ጀሃሪሁ ገጽ ለዐል ፈትሃት ገብእ፣
- ዶል ነክሽ ለአንድብ ልትሐላለፍ(cross bit)፣
- ዲብ ዐቦት ገጽ ተቅዩር ልትርኤ፣
- ዲብ ዐቦት ዓጭሞታት ገጽ መትሸንካይ ልትርኤ፣
- አንፋ ገጽ ለዐል ልትቀፈጽ፣
- አንድብ ረአሰ ሕድ በቅል።

ግንፍሌሁ ለጠቤ
መደረት አክይ-ብቅለት
እብ ሕክምነ ክምሰል ረትዐ/ሰነ

እት ክእነ ለመሰል ቴለል ናይ አንድብ፣ ናይ ዐቅል ውብዕድ መሻክል እግል ዳፍዖት ዋልዴን ወሐኪም አንድብ እብ ክለ ሒለቶም እግል ልክደሞ ወጅብ። ዋልዴን እብለ ትቀደረቶም ለጅነ ነፍሲያት አው መሻክል ዐቅል ለወዴ ዲቡ ሓጃት እግል ለአሪምዉ ምኑ ለኦስትህል። ሰበቡ ህዩ ዲብለ ጅነ ምሽክለት ደማነት ነፍሰ እግል ልክለቅ ቀድር።

ዔማት፣ ክታብ “ክንክን ሰኒ ህጻናትን ቀልዑን”



መሐመድ ዳፍለ

አትሐዘዮች መሻረከት ሸዑብ እት ዓቅቢት ሚራስ ዓዳት

አብርሃም ዘርአይ

እት ለሐልፈት ጥብዓት ጀራደት ኤረትርዮ ሐዳስ 1ይ ክፈል እሊ ጽበጥ እሊ ቅዱማም እግልኩም ክም ዐልነ ልትአመር ዮም ህዩ 2ይ ክፈሉ እንዴ ጸበጥነ ማጸምኩም ህሌክ ቅራኦት በኪተት እት ንተምኔ እግልኩም እት ታምም ጽበጡ እግል ንዐዴኩም።

ናይ ዓዳት ሚራሱ፡ ገባይል ለለሐፍዙ አርዛቅ እት ገብእ፡ ለትፈናተ አጅያል ለለሐድጉ ታርፌ ዓዳት ህዩ አህምየት እሊ አርዛቅ እሊ ወዴሕ። ዲብለ እግል ሚራስ ዐዋዲ ለልትከወን ዐዋምል ለልትህየብ ቅየም በገ፡ ዲብ ወራት ሕፍዘት እት ገብእ ሕርያናት ወቀራራት ተእሲር ወዴ። ዲብ

አምሳል ቃርብ ህለ። መጅተመዕ ኤረትርዮ፡ ምን መጅተመዓት ቃረት አፍሪቀ እበ ኢትትፈንቴ ገበይ፡ ናይ ዓዳት ለመዱ ወአምሩ እንዴ ትነፈዐ፡ ዲብ ሕፍዘት ናይ ዓዳት ወጠቢዐት አሳሩ፡ ለለትሐዜ ቅየም፡ እግል ታርፌሁ ለለህይብ ተርጀመት ወሸከረት ናይ እሊ እት ገብእ፡ እግል እሊ ሸዑብ ለለህይብ ሸረፍ ወተርጀመት፡ ምስል ናይ ምህነት አግቡይ ሕፍዘት አርዛቅ ዓዳት እት ልትመጣወር፡ መቅርሕ እሊ አርዛቅ እሊ እግል ልትአከድ ወልትበርበር ቀድር።

መትጸባጥ ደሚር ወናይ ደሚር ዐዋምል፡ ናይ ዓዳት ወጠቢዐት፡ አሱር ሚራስ እግል መስል፡ ዲብ ናይ ደያናት ሚራስ (religious heritage) ኤረትርዮ ለእንርዩ ቅየምቱ። ናይ በዲር ገዳማት

ዲብ ወግም እግል ልእቴ ወጅብ። እግል እሊ እግል ስኒን ረዩም ሕፉዝ ለጸንሐ ሚራሳት፡ ለመውል ወናይ ዓዳት ፈሀም ምስል ዕልማይ ፈሀም እብ ዋጅብ እንዴ ትጸበጠ ሕፍዘቱ ህዩ፡ እግል እሊ አርዛቅ እሊ ወተርጀመቱ እግል ኢልእዜ ለገብእ ወቀይ ሕፍዘት ህዩ ክፋል ሚራስ ሸዑብ ኤረትርዮ እንዴ ገብእ እግል ለአተላላ ሴድያይ ቱ። መትጸባጥ ናይ ደሚር ቅየም ወሚራስ ዓዳት ዲብለ ልትረኤ እቱ ዲናይ አርዛቅ ኤረትርዮ፡ ፈሀም ምስል እሊ አሳር እሊ ስኒት ዕላቀት ለም ጀሃት ምስለ ምን መሀንዩን እዳረት ወሕፍዘት ሰዋልፍ ክምሰሁመ ወሲቀት ለመጽእ ፈሀም እግል ልትመሳኔ ምህምቱ። ሰበት እሊ ተውዴሕ ናይለ



እት ገዳማት ኤረትርዮ ለትረከበ መሚያ (እብ ደወ ለዩብስ ሀይክል)

እሊ አርዛቅ እሊ ዝያደት ባይን እት እንቱ እግል ልትረኤ ለቀድር ሰዋልፍ አው ቅየም ህዩ ሓድር ወናይ ምስተቅበል አግማም ምስል ናይ ዓዳት ሚራስ ለለህሌ እሎም ደሚር ወመትጸባጥ መርቡ። ሰበት እሊ ገባይል ዲብ አሳርም ለለህሌ እሎም ቅየም ወለለህይብ ተርጀመት ክምሰልሁመ ገባይል እግልሚ እሊ ተርጀመት እሊ እግል አርዛቅም ዩብቶ? እብ ፋዬሕ እግል ልትአመር ወጅብ። ፈሀም መጅተመዕ ገባይል እግል ዓዳት ሚራሱም ለለህዩብ ተርጀመት እት ረከሰ እሊ አርዛቅ እሊ ለልትረኤ ተቅዩራት፡ ለገባይል ለልፍሁመ አህምየት እብ ከአፎ ክምስል ለአሰር እት አግሮትመ ለትሐዜ።

እሊ ዲብ ለዐል እብ ተፋሲል ቃርብ ለህለ ተውዴሕ፡ እግል ዓዲ መጅተመዓት ወአህምየቱ ዲብ ወራት ሕፍዘት ሚራስ ዐዋዲ ለወዴሕ እት ገብእ፡ ዲብ እሊ ማደት እሊ ለለአደሚዕ ወቀይ አው ስታቲብ ሕፍዘት አሳር ለጠልብ ወመሻረከት መጅተመዕ ለወዴሕ

ኤረትርዮ እግል ስኒን ረዩም ዲብ እሊ ክፈል እዲን ለትረኤ ተጠውራት ሚራስ ዓዳት እግል ልትሐፈዝ እቱ ቀድረ። ኤረትርዮ ዲብ እሊ ናይ ዘበን በዲር ገዳማት ርዙቅ ጽበጥ መትጸባጥ ሰዋልፍ ዓዳት ወአሸካሉ ለትመልክ ደውለት ተ።

ዲብ እሊ ገዳማት እሊ እግል ወቅት ረዩም ሕፉዝ ለዐለ ብራናታት (እት ገኖ ለትከተበ ክቱብ) መምያታት (ለተሐፈዘ ሀይክላት) እግል መስል ዲብ እሊ ገዳማት እሊ ለህለ መትጸባጥ ወቅየም ዓዳት ወአሸካሉ ለአፍህም። ናይ አሳር ሸክል እሊ አርዛቅ እሊ ህዩ፡ እብሊ ናይ ዓዳት ሰዋልፍ እንዴ ትወክለ ወትመርብ እግል ልትረኤ ወጅብ። እሊ አርዛቅ እሊ እብ ትሉሉይ እግል ልትሐፈዝ ለቀንጽ አርእስ ህዩ ምስል መራሕል ተጠውር ወምህናይ ወራታት ሕፍዘት አሳር እንዴ ትጸበጠ፡ ለዲብ እሊ ገዳማት ልትራዔ ለዐለ መትጸባጥ ወናይ ደሚር ቅየሙ ወአህምየቱ

እብ ክፈፍል መጅተመዕ ለልትህየብ ቅየም ናይ እሊ ክፈፍል መጅተመዕ ላቱ ሚራስ ወለለህሌ እሉ ተርጀመት ወሀደፍ ሕፍዘት እግል ልግበእ ወጅብ። መሻረከት ናይ እሊ ክፋላት መጅተመዕ ዲብ ሕፍዘት እሊ ሚራሳት እሊ አከደት ህዩ እብሊ ጃንብ እሊ ርእዩቱ ምህምተ። ሕድ እብለሸብህ፡ አካናት ቅዱሴ ናይ ደያናት መቃብር ወለመስሉ ምንኬን እግል ልትሐፈዝ ለወጅብ ማድያይ አሱር ለወዴሕ እት



እት ደዋይሕ ጋድም ሐሊብ ለህለ ናይ ደያነት ምህመት ለቡ ቅዱም አቅብር (ደርሕ)



ምን ሐልየት ቤት ጁክ

ምነ እት ሰነት 1913 ለጠበዐ ክታብ ሐይለት ትግራይት እሊ እት ገጽ 224 ለህሌት ዕልብ 308 ላተ ሕላየት ልጃም ወድ ዐከሰ ዶል እንርኤ፡ ለሕላየት ልጃም ወድ ዐከሰ ሐሁ ሕሻል ዐድ ተክሌስ ክም ቀትለም ለሐሊያተ፡ ከለ ሕላየት ክእነ ትብል፡ እግል ዮም አወላይ ክፋሉ፡

ግሬነት ቱ ሞተ ወድ ፍካክ ም ሕሻል ሰዐክ መ ኢሰዐክ እንታመ ምኑ ሚ ተሐይሰ ምስል ሰብዐት ትወለደ ወድ ብዙሕ አዳሙቱ አክል እሊ አንበጠ ወድ ብዙሕ ንዋዩቱ አግዕሮታት ወዘገ ወድ ዐሊ ኖር ወድ መዲን ቱ ቤት አሰገዴ ግሰተ ወድ ሸዕበት ሐመልማል ቱ ለአይበድ መልሕ ብቅለተ ገርሲሉ ወባቁስ እብ መውዲታት ትበተክ አቅርን ጸሊም ወሐባር ወለምዕርብ አሰከክ ገበይ መምበር ሀረድብ ትደበኣት እት መንገኣት አብ መንደር ከይደ ከይደ ዕመር ወድ ጸዐደ ደላሊብ ትከይደ እንዶ ትማልእ ለዕከክ ተክሩር ጸላም ትከይደ አርደህ አሰክ ሕጃተ ሀምነ አለቡ ለአክዋር ሐቆ ትመሰክ ህዳድ ለድንዳነ ኢለአፈግር ሳክየተ ስቃር ለመሰንቅ ለዐበላብል ርመሽ ለምዕል ዲብ ዐይዴ መዐላብ አቤት ዛምተተ ዐድ ትማርያም ወድ አቤብ እኪት ኢኮን ሳፈፈተ ለሞተ አርድ አብኦም ለህለ ደርቦም ትበገስ እዘኑ ወደው ሰላታት ከእብ መታርር ሰፈፈ ዋ በኪት ወድ ገቢል አሰናይ ደሐን መጽእክ ለኣነ ገእክወ ገሌ ሰዐክ ማ ኢሰዐክ።

ትተላሌ ...

ገብእ፡ አከደት መሻረከት ገቢል ዲብ ወቀይ ሕፍዘት ሚራስ ዓዳት ለለአትፋቅድ አምሳል ቱ። እሊ መራክዝ እሊ እምነት ሙእምኒን ወሰሓበት ለገብእ አርዛቅ፡ አህምየት ናይ ደሚር መትጸባጥ እንዴ ወደሐው፡ ቅየም መጅተመዕ ኤረትርዮ ዲብ ራዐዮት እዴ ዛይደት እግል ለአግዱ ለቀድሮቶም። ሸዑብ ኤረትርዮ እግል እሊ ክፋል እሊ ለለህይብ ተርጀመት ለወዴሕ ቱ። ሸዑብ ኤረትርዮ እግል እሊ ክፋል ናይ ዓዳት ሚራስ ለለህይብ አህምየት ወተርጀመት፡ ክፋል ናይ ሕፍዘት ናይለ ገብእ ወራታት በገ፡ ሓድር ወናይ ምስተቅበል አጅያል ኤረትርዮ፡ እግል እሊ አህምየት

እሊ እንዴ ፈሀም እብ ትሉሉይ እግል ልራዐው ቀድር። መሻረከት ክፈፍል መጅተመዕ ኤረትርዮ ዲብ እሊ ወራት እሊ ህዩ እብሊ ገበይ እሊ ወአህምየት እግል ትሸረሕ ትቀድር። መሻረከት መጅተመዕ ዲብ ወራት ሕፍዘት ሚራስ ዓዳት ለወዴሕ ብዕድ መስልመ ምስል ሕፍዘት ብስር ብነእ (Vernacular architecture) ለልይጸበጥ ወቀይ ቱ። እሊ ብስር ብነእ እሊ መቅደረት፡ ብስር ወአምር ቀዳምያም መትጀመዓት ኤረትርዮ ለወዴሕ፡ ናይለ ሐልፈ ታሪክ ወናይ ሓድር አጅያል ኤረትርዮ ለልትረኤ እቱ ክፋል ሚራስ መጅተመዕ ኤረትርዮ ቱ። ልተላሌ...



ሕዳግ ሰሌማን

መዲነት ከረን እሊ ቱ እንዴ ትቤ ፈርያተ ወአክያረ እግል ትፈንትዩ ኢትቀድር፤ እግልሚ ብዙሕ ወምን ሕድ እግል ተዐራብዩ ለኢትቀድር ዝሕሮታት ጠቢዐት፤ ዓዳት፤ ሰቃፊት ወመትቀዳም ምጅተመዓት እግሉ ለጸብጠት ሰበት ገብአት።



እብ ክሱሰ ብዙሕ ትበህለ ወእግል ልትበህል ቱ። እግልሚ ኣክለ ምድር ጽብሐ ለፈሬ ወዝያድ ለገምል ሰበት ቱ። ኣናመ ዮም እት ምግብ ለህለ ዝሕሮታት እብ ክሉ እግል ዐሬ ወእግል እታይት መቅደረት ምንመ ኣሉብዬ፤ ምን ዘበን ቅዱም እንዴ ኣንበተ እሰምዑ ለዐልኮ ኣርዛቅ ፈን እቡ እግል እትሃኔ እት ሐዜ ለሐለቺ እግል ተኣብጥረኒ ቃድረት ምንመ ህሌት፤ ኣሰክ እለ እብ ዕንቺ እንዴ ርኤክዉ ለዘቱ እግል ኣዳውር ቃድር ለህሌት ሐድ ምን ብዙሕ ሰበት ህለ፤ እቡ እግል ሐራክክ እንዴ ነዌኮ ዮም ሰፍሐት ሸባብ ሻብብ ህለኩ።

መደቀቡ እግል ልኦሌ ለልሐዜ ነፈር ኣሰክ እለ እብ ዕምር ገናድሎ ለህለው ዐባዩ ኣበው መዲነት ከረን ምስሎም እግል ለኣምሐብር ወለ ህለ እግሎም ኣምር ወተጃርብ እግል እርኩብ ምናም ወጅቡ ለትብል ፍክረት ምን ተጃርብዬ ራክባ ህለኩ። እት ዘበን ቅዱም ክእነ ዮም እንዴ ኢገብእ ኣብዕቦታት ዮም ወሸባብ ማሌ እት ረብዐት እንዴ ትኣፈለው፤ እብ ገበይ ከበሮ ወድዉ ለዐለው ትልህያታት ወገልያታት ምስል ብዙሕ ሐልዮቱ፤ መገባሉ ለእት ኩብድ መዲነት ከረን ለህለ ታጅር ሰዋልፍ ቅምያት ወሐዳራት እለ እም ክሉ ዝሕሮታት ላተ መዲነት ከረን ቱ።

እሊ እት ጌማም እንዴ ኣቲነ እብ መናሰበት በዓል ፋዛገ እት መዲነት ከረን ለወዴናህ ምሴት ሄሰት ብዝሓም ኣበው ለሐድረው እተ ሰበት ዐለት፤ መዲነት ከረን እግል ስኒን ብዙሕ እት ኩብድ ለፈረ ወእትሎም ሸባን ዮም ለህለ ጽበጡ እግል ንድሌ ቃድራም ህለኩ። ሸባብ ማሌ ለዐለ እግሎም ፈርያት ብዙሕ ምንመ ገብእ፤ ፈናን

ዐቤ ዐብደለ እት መዲነት ከረን ወክድ ሸቡቱ ለሓለፈ ሰበት ዐለ፤ እብ ክሱሰ ወክሱሰ ሐልዮቱ ገሌ ብህላም ምስሎም ዐልነ። ሐልዮት ፈናን ዐቤ ዐብደለ ሻም ወሕላይ ወጠን ለሐሌ ሰበት ዐለ፤ እግላ ሸባብ “የሀው ነፍሱ ለኢደምን ወለፈርህ ልዒር እግሉ” እንዴ ቤለ ለሐብር ክም ዐለ፤ እብሊ ህዩ ለፈርህ ሸባብ እንዴ ዓረው እግላ ሕና ላቱ ይእንፈርህ ለመጸት ትምጸእ እንዴ ቤለው ለተርፈው እግሎም ብዙሕ ሰዩሰ ላቱ ሐልዮት ቀድም እግሎም ክም ዐለ፤ ዮም ምን ሸባት እት ኣብዕቦታት ክም ተዐደው ዳጉሙ

ለህለው ታሪትም ቱ። ኣቡነ እድሪስ በኪታይ ምን ሻባብ ማሌቱ፤ ህቱ ምስል ዐቤ ዐብደለ ለኣምሐብር ለዐለው ሸባብ ለወክድ ለህይ ቱ፤ እብ ክሱሰ እሊ ሐቱ ቅሰት ዱጉም እግልነ ዐለ።

ወለት ቀሺ ህግያኪ ሐሊብ ልብ ሸፊ ዳብጥ ይዐጅበኪ ወዐሰከሪ ፈራዳይ ኣብጠርኪ ኣክባሪ ሕጊ ኣሰመረ ተኣራብኪ ምስል ወኪ ምን ዐይነት ሰው ነው ቤለ ደርጊ እንዴ ቤለ ላኪን የሀው “ኣነ በሪእ ኣነ” እት ልብል ለኣሰሕቀም ክም ዐለ ዝክርያቱ ሸርሐ እግልነ። እሊ ወብዕድ ለሰምዐው ሸባብ ከረን እብ ሐት ሐቱ ኣሰክ ንዳል ገይሶ ዐለው፤ ልዘክረኒ ምን ምርት ህዳይ ሐድ 175 ለገብእ ሸባብ ኣሰክ ንዳል ሂሩራም ዐለው ልብል። ኣዜመ ኣቡነ እድሪስ በኪታይ፤ እት ሰነት 1966 እት ምርት ህዳይ ዐቤ ዐብደለ እለ ቤት ሸዕር እለ ምን ሐቱ ስያሰት ለጸብጠት ሸዕሩ ለጸብጠ ብዕድ መዋጥን ዳገመ እግልነ።

ፍንጌ ኣድህር ወኣልዐሰር ኣመቃርብ ተልዩ ሰራበቡት ነፍሹ ሰኣቅ ወለ ትልህዩ ረቢ ዲብ ሕድ ልጅመዐነ በርኩት ሳልሒን ኣንብዩ

እንዴ ቤለ፤ ለመሸታት ምን ሕድ ወለ ሰፈላል ሸርሕ ዐለ። እት



ረመዳን ታይብ

ፈን ሸባብ ማሌ እት ሸባብ ዮም ለዐዴት መዲነት ከረን

ወሶምዩ ወስሰዒት እንዴ ዐለው እት ኣክር ሳዐት ሰለሰ ዶል ገብእ፤ እግል ንትፈርተክ ዶል እንብል ዐቤ ሐቱ ሕላዮት እግላ ሐለ እግልነ፤ ገሌ ምን እት ምክዩ ለህለ ኣብያተ



ህዩ ክእናቱ ለቤለ ብዕድ ኣብ እት ዝክርያት ኣቲ እት እንቱ። ሸባብ ሰብ ሕነ ኣፎ ጸገም ሰብ ይእንወዴ ጸገም ሰብ ሐቆ ኣለቡ ዲብክ ሕናን ኒዴ ወተነትነ ከሸመትነ እንዴ ነሰኣነ እት ሐንቱ እምነ ንጭፈር ገሌ ምን ቤለዩ ቱ። ወእብለ እለ ላሊ እለ ህዩ 35 ሻብ ናደለው ልብል።

ፈናን ዐቤ ዐብደለ እት ኣቀርደት እግል ልሸቄ ጋይስ እት ህለ ሐቱ ወለት ሰኒ ግርም ቡን እግል ተኣሰትዩ እብ ጀበነት ክም መጽቱ ሰኒ ሰበት ሰሐቡቱ፤ ምን ጭፍረ እት ጭገረተ እንዴ ገንሐዩ እት ልቡ ሰበት ኣቱት እግሉ፤ ምን እለ ሳዐት እለ እንዴ ኣንበተ እት ፍቲ ትካረ ወሕላይ ኣንበተ ልብል መሐመድ ሞዩ።



ሻብ መሐመድ እድሪስ ኣድም እብ ክሱሰ ሰቃፊት ለኣዳለዩ ሸዕሩ ሰቃፊት ሚ ክም ተ፤ ወምን ክም ልታለዩ ለትሸርሕ ሸዕሩ ቅዱም ዐለ፤ ምነ ጽበጠ ገሌ እግል ንርኤ። እት ልባሰ እንቲ እት መጋይሰ ወእት ህግዩ ዕግል እት ሸዕር እንቲ እት ሕላይ ወሶምዩ ወጅብክ ምስል እት ረሰም እንቲ እት ዘብጥ ከዐሌ ወሸልክ ግብል እት ጸርብ ፍዕሎ ወሐብክ እት ለትፈናተ ወራታት ሸፍል እት ፍርኩት ሸቢብ እብ ኣንወዕ ወኣሸክል ግድል እንዴ ቤለ መዐነት ፈን ቅዱም ዐለ፤ እሊ ምነ ሸባብ ዮም እት መዲነት ከረን ለህለ ዝሕሮታት እግል ለሐንፍል ጀራርብ ለህለ ክምቱ ወደሐ እግልነ፤ እግልሚ

ህቱ እብ ሸቅል እት መዲነት ከረን ነብር ሰበት ህለ፤ ወክል ጽብሐትክ ገሌ ምን ዓዳት ወሰቃፊት ከረን ልትነሸዕ ሰበት ህላቱ።

ዐቤ እት ሰሳታት ምነ ቤለዩ ኣሸዓር ሻም ወሐልዮቱ ለልሐሌ ሻብ ዮም፤ መሐመድ እድሪስ ዐብደለ ኣሸትራናቱ፤ ህቱ

ላለዩ ላሎይ ወላሌነ ሚጋርዬ እት ምን ሐሊፈኪ

መሳከተ እት ረኣሰ ሰቀተ ወእመ ኣምዕል ለእግላ ወልደተ ዐድ ሲዲ ጌሰት ከኣድሐረተ ስተርሊኒ መስል መርወድ ብሶተ ዕን ማገዬ ክም ቅርረት ሰብረተ

ገሌ ምነ ኣብያታ ቱ። እብሊ ህዩ ህቱ እት ሸቡቱ እብ ሻም ወለት ግሉይ ክም ዐለ ለኣፍመኩ።

እትለ ሕላዮት ዝያድ ዐቤ ፋቲ ክም ዐለ ወእት ሸቡቱ እብ ሻም ልትዐዘብ ክም ዐለ ለኣከደ ኣብያት ሸዕሩ ዶል እንርኤ ህዩ፤

ሕለት ሱዳን ስምጥ

ዐድ ሲዲ በክሪ ማሌ ምሴ ርኤኮኪ እት ፈግሪ ሰዴኮ ወይዕሬት ኣብኪ ኢርኤኪኒ እንቲ ግብኪ ደብኣኪ ሰዐምኩው ኣሰርለ ጀዝመትኪ ኢትፍተው ዓዑዝብለ ምን ፍቲ እንዴ ቤለ ተኣለለ። ምነ ፍቲ ዐቤ እግልሚ እት ርሐ ጅሩብ ሰበት ዐለ። እተ እት ከረን ጋብኣት ለዐለት ሄሰት እተ ሓድራም ለዐለው ሸባብ ማሌ እት ዝክርያት እንዴ ኣተው ምስል ኣሸትራነ እት ለሐልወ ረግሶ ዶል ትርእዮም ሸበት ማሌ ወዮም ለጀምዐት ክምተ ትትኣከድ።

ገሌ ምነ እብ ሸባብ ዮም ለቀርብ ጽበጥ ሐቱ “እርትርዩ ሕርመቲ” ለትብል እብ ሻበት ሕርዩ ንጉሴ ለቀርቦት ሕላዮት ኤረትርዩ ምን ደማር እት ዐማር ለትዐዴት እቱ ቴለል ወመትቀዳመ እት ዓዳት ወሰቃፊት ምጅተመዕ ከረን ለህሌት ፍንቲት ክርን ጽበጥ ወዓዳት ቅምየት ብሌን ለወክለት መስል ዐለት፤ እግልሚ ምን ልባሰ ፈናኒት እንዴ ኣንበትክ እት ረግሰ ወብዕድ እት ቀሪነ ሕላይ ወለሐን ብሊን ለነትል ሰበት ዐላቱ።

ዐድ ሐባብ ለትብል ሕላዮት ህዩ ለቅዱም ተእሪክ ወሐዳራት ለጸብጠ ክፈል መዲነት ከረን ለተምተመት ሰበት ዐለት፤ ሸባብ ማሌ ለዐለው ኣበው እንዴ ኢተርፎ ዐድ ሐባብ ለእተ ዐቤት እት ልብሎ ግረ ለበልሰቶም፤ እብሊ ህዩ ሸባብ ማሌ ወዮም እብ ገበይ ፈን እት ሐቱ ዐግሎ ለዐገለቶም ዐለት።

“ምን ልክህሉ ሰፈላል ለትብል

ሕላዮት ሻም ሐቱ ምነ እብሎም እት ሻሸት ወብዕድ ወሳይል እዕላም ለኢትረኣው ሸባብ ምርት ላቱ ኣቡብከር ለቀርቦት ምናተ ፍንቲት ለዘት ለዐለ እግላተ።

እምበል እሊመ እብ ደረሰ መድረሰት ኣነህደ ለቀርብ ጽበጥ ፈን መዲነት ከረን ለትመልኩ ዝሕርታት ፈን ወሰቃፊት እት ሳልሳይ ጁል ልትዐዴ ክም ህለ ለኣከደ ጽበጥ ዐለ።

እምበል እሊመ እብ ለትፈናተ ኣሰባብ ምን መጃል



ፈን ራይማም ለዐለው ፈናኔን ክም ከረ ሕመዳይ ዐለ። ህቱ ምን ፈን እብ ሰብብ ዝሩፍ እዲነ ራይም እንዴ ጸንሐ፤ እተ ምሴት ለህ እብ ትግራይት ወዐረቢ ለሐለዩ ሕላዩ እቡ ክብቱ ናይር ራክብ ዐለ። እምበል እሊመ እብ ዑዱ እንዴ መጽኦ ለሐለ ፈናን ዑስማን ኣልኣሚን ራጃ “ረሰዐኒ ወኢትበይ” ለትብል ሕላዮት እድሪስ መሐመድ ዐሊ ቀደመ።

እተ መናሰበት ለህ፤ እብ ክም ከረ ሐሰበላ ወክረ ኣቸው ለቀርባዩ ክልኤ ተምሲልዮት ለቀዳሚት እሲቺ ወለ ካልኣይት ህዩ እብ ሻም ወለት ለነደ ሻብ እግላ ሻበት እግል ልርኩብ ለወድዩ በሰር ምን ሕላሌ ለትወዴሕ ዐለት ወለ እሲቺ ለትብል ተምሲልዮት ህዩ ፈርህት ምን ውላድ ብዙሕ እት ሐቱ ኢነት ለትወድሕ ቱ።

እተ ምሴት ለህ ለቀርብ ጽበጥ ፈን፤ መዲነት ከረን ምሕል ዓዳት ወሰቃፊት ምጅተመዕ ክምተ እንዴ ኣከደት፤ እት ኣግማም ተዐድዩ ክም ህሌት ኣፍህመተነ። ፈን ሸባብ ማሌ እት ሸባብ ዮም ልትዐዴ ምነ ክም ህለ፤ እበ እት ክል ሻብ ለትርኤት መቅደረት ወፍጥር ፈን ሰኣዮት ሃይበትነ ህሌት።



ልግብ

“ሐት ሐቴ ዶል ለሳድፋነ ተየልል እብ ክሉ ጀዋንቦም እብ ምልሃነ እንዴ ኢነአቀምቶም፡ ሰኒ ሻፍጋም እት ሕነ ሕክም ነሀይብ እቶም”። ዎሮት ምዲር ናይ ዎሮ መሰነዕ ለዐለ ነፈር፡ እተ መሰነዕ ሓለትለ ዑማል እግል ልራቅብ ለአንገዋጌ እተ ዐለ እቱ ወቅት፡ ዎሮት መንደላይ እትለ ሔጠትለ መሰነዕ እንዴ ትጸገዐ እምበል ሸቅል እት ተክል ረኡ።

ቅርብ እንዴ ቤለዩ እብ ምልሃሁ ማህዩትከ ከም ተ? እት ልብል ትሰአለዩ። ለመንደላይ ራውግ ዐለ ወላመ ሱኣል ብዙሕ እትፍኩሩ እት እንቱ፡ እብ ወግም ሐድ 200 ዶላር ገብእ መንባዩ፡ ከሚ እት ትብል ትሰለኒ ህሌከ? ቤለዩ።

ለሙዲር ሰኣለ መንደላይ እጃቦት እንዴ ኢለሀይብ እቱ።

ሕክም ሻፍግ

እዴሁ እት ጂቡ ከረ ወጅድላኑ እንዴ ሐርጠ ምኑ 200 ዶላር አፍገረ ወእግለ መንደላይ ናወለዩ። (ምነ ሸቅል ልትዳገኑ ሀለ በሀለት ቱ) ከክም እነ ቤለዩ፡ እነ ሰላዲ ለእደፊዕ እብ ምስምሱ፡ ለአዳም እግል ልሸቄ እግልዬ ሰበት ሐዜኮ ቱ። እምበል ጋር ወሰልሐት ሳክት እግል ልታክል እግልዬ ኢኮን፡ አዜ እለ ለናይ ሸሀር ማህዩትካተ መገደመን ሀይቡተ ህሌኩ፡ የለ ትካረጅ ፍገር ምነ ለአካን፡ ወሐቆ እለ ክሉ ረአስከ ኢተዐቅብል፡ የለ ተሐፈዝ ቤለዩ!

ለመንደላይ እግለ ማል እንዴ ትናወለ ሻፍግ እት እንቱ ፍሐሁ ሀበዩ ወእተ ዶሉ እብ ሰዐይ ተሀርበቡ። ለሙዲር ሐቆ እለ አሰክለ ዑማል እንዴ ተወለቡ፡ ወእት ለአትፋርሆም፡ እለ ጋር እለ እግል ክሎም እትሊ መሰነዕ

ከድጥ ለሀለው ዕማል ልታኬ ለሀለ መሲር ቱ። ክመ ልትሐዜ ለኢሸቄ ነፈር እተ ዶሉ ምን ሸቅል እግል አብጥሩ ቱ ቤለዮም።

ሐቆ እለ ለሙዲር ዲብ ዎሮት ምነ እግለ ለዐፋ ለዐለው እንዴ ቀርቡ፡ “እሊ ለእሉ ትዳገንኮ መንደላይ ምን ቱ ተአምሩ?” ቤለዩ። እለ ኢኮን እት ባሉ ለይዐለ በሊስ ጸንሐዩ። መንባኩ፡ እለ ነብረ እግል ለአብጄሕ ማጽእ ለዐለ ነፈርቱ፡ ህቱ ምስልነ ኢሸቄ ቤለዩ!

ከሐት ሐቴ ዶል ለጋር ሰኒ እንዴ ይእንፈጥኑ፡ ወእብ ክሉ ጀዋንቦ እንዴ ኢነአቀምቱ ሻፍግ ሕክም እት ነሀይብ ንትርኡ። ለጋራት እብ ምልሃነ እግል ንፍጠኖም ወተማም እግል ንትአከድ ምኖም ለአትሐዜ፡ ወእለ ለትሰረረተ የም አለቦም እት ዐደም መፋህመት ለከሩነ ተየልል እግል ልሳድፋነ ክም ቀድሮ እግል ነአምር ለአትሐዜ።

ሀድግ ፍንጌ ሙደርስ ወደረሳዩ

ኡስታዝ፡ ለሰነዕ ለጽኑዕ እት ወቅት ሐፋነት ልትመደድ ወእት ወቅት በሩደት ልትቀርፈጭ፡ እሊ ለሸፊሕ መሰል ሀበኒ።

ደረሳይ፡ እጃዘት ሓጋይ አርበዕ ወሬሕ ትገብእ እት ህሌት፡ እጃዘት ለሔተ ክልኤ ሳምን ሌጠ ተ።

ኡስታዝ፡ ሲን እት አየ ትትረከብ?

ደረሳይ፡ ኡስታዝ ረዩም ህሌት ኢመሰለኒ፡ አሰቦሕ አሰቦሕ ዐጀለት እንዴ ትጸዐነ ለመጽእ ምስልነ ለድርስ ወድ ሲን ላቱ ደረሳይ ሀለ።

ኡስታዝ፡ እምከ እብ 450 ነቅፈ ቀሚስ ወእብ 99 ነቅፈ እስእን ዶል ትዛቤ ለነቲጀት ሚ ትገብእ?

ደረሳይ፡ ህተ ወአቡዬ ወትሓደገው።

ኡስታዝ፡ አቡከ እብ 750 ነቅፈ ናይ ሌዘር ጃኬት ዶል ልትዛቤ፡ ወእለ ማል እሊ እት አርበዕ ሸሀር እግል ልድፋዑ ዶል ቀረረ፡ እት ሸሀር ከም ነቅፈ ደፊዕ?

ደረሳይ፡ 10 ነቅፈ።

ኡስታዝ፡ ጌገ!፡ እንተ ናቅስ ወጀሚዕ አሰክ እለ ሰኒ አምሮም ይህሌከ፡ የለ ትገሌ።

ደረሳይ፡ ኢፋሉ ኡስታዝ፡ እንተ እግል አቡዬ አክል ሕድ ዳልሁ ይህሌከ።

ኡስታዝ፡ ላእላህ እለ አላህ፡ ከህቱ ዐደድ እላ ቱ? እት ዒድ አልፍጥር ከም ለትገብእ

ሀድዮት ለሀይበከ?

ደረሳይ፡ ዕሰራ ነቅፈ።

ኡስታዝ፡ ወእት ዒድ አል አድሓ አልሙባረክ ህዩ?

ደረሳይ፡ ለእለን ሃይብዬ ዐለ ለአትሐድገኒ።

ደረሳይ፡ እስታዝ አነ ወሕቼ ከረጠት ዐለም ክለ ክም ሐፈዝናህ ከበር ሀለ እግልከ ገብእ?

ኡስታዝ፡ ከእለ ምን ገብእ ፈረንሰ ለትብሀል ደውለት እት አየ ትትረከብ?

ደረሳይ፡ አላህ! ህተ እተ ሕቼ ተሐፍዙ ለዐለት ክፋል

ህሌት።

ደረሳይ፡ ኡስታዝ፡ ኡስታዝ ሓምድ እብ ሚ ሰብብ ቱ ለትባረሐ?

ኡስታዝ፡ ህቱ ምን ቅያስ ወለዐል ዓቅል ሰበት ገብኦቱ።

ደረሳይ፡ ከእለ ምን ገብእ እንተ ህዩ ለጭገርከ እብ ሚ ሰብብቱ ክምእነ ምን ሸፍቀ?

ደረሳይ፡ መወዘፍለ እስትቅባል እበ ሸቤካይ ለንኡሽ ክም ከፎ አተዉ?

ኡስታዝ፡ ግሉል ኢትግበእ፡ ህቱ ኑኡሽ እት እንቱ አምጸአዉ!

በህል

- ገጽ ቅሉብ በርህ ምን ገብእ፡ ቄልባይ ለዐውቲሁ ለዘት ወጠምጠም ልስእን እተ።
- ራሐት ባል መሻክል እዲነ ዶል ልውሕደ አውመ ልትሰአነ ኢኮን ለእንረክቡ፡ እት ሚ ደአም፡ ዶል ንትመሳኔ ምስለን ወእብ ከፎ ክም እንዋጅህን ሐለት ዶል እንመልክ ቱ።
- መሰርፋይ አው መብዘራይ ዶል ትታሌ በደ ማልከ ብዲቡ። ወውሕር ዶል ትዳሌ በደ ምርወትከ ብዲቡ።
- እብለ ይህልየ እትከ ሰንያት ለለሐሌከ ነፈር ኢትእመኑ፡ ህቱ እብለ ይህልየ እትከ ዕዩባት እግል ልውሰፊክ ትከርዑመ አለቡ።

ዝበድ ዝጾታት

ለትደቀበ እትለ እዲናከ እግል ትጋብሁ ለትቅድር ዲሽ፡ ዲሽ ለአፍካር ለእት ሐንገልከ ተአትዛውሩ ቱ። ከእሊ ዲሽ እለ፡ አው እግል ልደምረካቱ አውመ ህዩ እግል ልስዴካ ቱ። ከእት መጦርከ ወእት መሰለሐትከ እግል ልትፈረር ገብኦ ምን ገብእ፡ ለዲሽ ሚርሓዩ እንተ ትገብእ እንድኢኮን እሉ ኢትታሌ።

መዕሉመት

- ለበዝሐ ምነ እት ቆሪ ምሒጣት ለነብር ዓሰ ዕዉር ቱ።

ነሳዬሕ ኔፍዓይ

- እት ሰልፍ ክሉ ኢትጽበጥ እትዬ እንዴ ቤለ ለለዕተዝር ሓጥር ሓጥራም ቱ።
- እት ሰልፍ ክሉ ለሳሚሕ ድቁብ ዳቅባም ቱ።
- እት ሰልፍ ክሉ ለልትረሰዕ ልዉቅ ልዉቃም ቱ።
- ገጽከ ኡብርህ ወክል ዶል ትፋውል፡ ገጽ ባርህ ሐቴመ ኢከሬ ምንከ፡ ምናተ ብዝሕት ተርጀመት ቡ...
- እተ ትልህዩ ርበሕ ክሰር መአክል ሕድ ፍገር ምህም ላቱ ጋር ኢኮን፡ ለምህም እንተ ወቅትከ እት ፈርሐት ወለውቀት ሐሉፋ ሰበት ህሌካ ቱ...
- ገሌ እንዴ ኢትጌጌከ እግል ታአምር ኢትቀድር ወእሊ ህዩ ዔብ ኢኮን፡ ምናተ ለእሎም ወዴከ ቀልጣት ተዐለም ምኖም ወመሰል ሰኔት እግል ብዕዳም ግበኦ።
- ሰፋት ብዕዳም ኢተአትቃምት ወኢተአተቃብሎም። “እግል ብዕዳም ለለአተቃብል እብ ሀመት መይት” እት ቀደም ክሉ ናይ ኖስከ ዕዩብ አትቃምት።
- ማሌ ለትሰሐበ ጅክ ክም ተ፡ ወፈጅር እግል ወቅት ሓር ለትአጀለ ጅክ ተ፡ ሓድረት ህዩ እት ለዎሮት እት እዲከ ለሀለ ማል ሰበት ተ፡ እብ ለባበት ሰረፈ ወሕሳብከ ውዴ

እለ።

ተበሰም

ሐቴ እሊት ሸንጠተ ምን በዴት ምነ፡ ፖሊስ እግል ትአስእል ጌሰት። ለፖሊስ ህዩ፡ “ደሐንቱ ብዙሕ ኢትትሻቀሊ፡ እንቲ አዜ ጌሲ ቤትኪ ዐቅብሊ፡ ወሕነ ህዩ ለሸንጠት ምን ሐን ምድርመ ልግበእ እግል ነአፍግራ ቱ” ቤለው። ሐር አሰክ ዐድ እት ተዐቀብል እት ገበዩ፡ ሸቃላለ በለድየት እት ለሐፍሮ ምን ርኤቶም፡ ኢትሕመቆ ውላጄ ረቢ ልስዴክኩም፡ ሕብርለ ሸንጠት ጃናይ(ቡኒ) ቱ ቴለቶም ልትበህል።

በህል እሙራም

- “እዲነ እምበል መሳኒት፡ ክመ እተ ቄብረት ለአለበ ጅናዘት ተ።” (አኒስ መንሱር)
- “ምስምሰ ዐውቱ፡ ለዕዉታም ክል ዶል እግል ልትዐወቶ ትርድት ንዩት ሰበት ዐለት እሎም ቱ። ወእብ ገበይ በክት ለትመጽእ ዐውቱ እት እማመት ለይዐለት ሌጣ ተ።” (ሃንሪ ፋን ዴክ)
- “ለዐለት እግልከ ንዩት አው ውቅልት ሸንሀት እንዴ ኢተአበዴ ምን ፈሸል እት ፈሸል መትዐዳይ፡ ለሕቡዕ ምስጢር ናይ ዐውቱ ቱ።” (ቸርቸል)

ሰለሰ ለለአትሰሕቀ መራሕል እዲነ...!!!

1. መርሐለት ሸንገሎት...? ወቅት + ሐለት ትመልክ ምናተ ማል ትስእን።
2. መርሐለት ካድም....? ማል + ሐለት ትመልክ....ምናተ ወቅት ትስእን።
3. መርሐለት እብር....? ማል + ወቅት ትመልክ....ምናተ ሐለት ትስእን።

ሄራር 10 ሰነት ጀሪደት ኤሪትሮፕ ሐዳስ (4^ኛ ክፍል)

ገሌ ምን ምስዳራት ዐቦት



ጀሪደት ኤሪትሮፕ ሐዳስ እት የም 02/01/2008 ለናይ ሰትንቡረት ጥብብተ ትሸር እት ህሌት ወሐቀሁ እብ ዶልዶሉ ለአምጸአቱ ተጠውር እንርኤ እት ህሌት ለፈርግ ዐደድ እለ ዐቢቱ ምንመ ይእንብል፤ ለምስዳር አሆታይት፤ እት ቀደመ ለጸንሐየ ሰለሰ ጀሪደት ደውላት ኤሪትሮፕ እንዴ ተሓበረት ራብዓይተን ግብአታቱ፤

እት አወላይት ሰነት እብ ሰማን ሰፍሐት እት ሕቅፍ ክርን ገቢል እንዴ ገብአት እብ አንፋር ክርን ገቢል ትግሬ ትዳሌ ዐለት፤ እት ሰነት ሰልፈ ለትብገሰት እብ ጽቦጥ እት ሰማን ሰፍሐት፤ አክባር ወተዕሊቅ፤ ጊማይ ሲያሰት፤ ዐማር፤ ታሪክ አግማም፤ ተርብየት ወእጅትማዕየት፤ ዓፍየት፤ ዓዳት ወሰቃፊት፤ ርያደት፤ ነፌት አምር ክምሰልሁመ ጀዋባት ቁርአት ተአፈግር ዐለት፤

እት ካልኣይት ሰነት ሐቲ ምስዳር ገጽ ቀደም አሳደረት፤ ምን ሕቅፍ ክርን ገቢል እንዴ ትበርበረት ህይ ክም ርሐ ለቀድረ ፈሬዕ እት ቅሰም ጀሪደት እንዴ ትከምተተት፤ ወዘር ለየመመዳ መዳልያይ(ክልሹም መሐመድ ወናኢበ መሐመድ እድረሰ) ገብአ እሌ ወአንፋረ ወመክብብ ፈንቱት፤ ዲብ ካልእ ሰነት 11 ፈብራይር 2009 ለሰፍሐት ምን 8 ሰፍሐት ዲብ 12 ወቀለተን፤ ምን ወክድ ለህይ ወሐር ህይ እትለ ናይ ዐሰር ሰነት ዕምረ እብ ዶል-ዶሉ ለትፈናተ ዐምሚድ ዲብ ተአቲ ወገሌ ዐምሚድ ዲብ ትግድል ትሄርር ህሌት፤ እት ፍንቱይ መናሰባት ሰፍሐት ትወሰክ ወዲብ ኢምዕላመ ትፈግር፤ ለበዝሐ ለአፍገራቶ ዕልብ ሰፍሐት እብ መናሰበት 20 ሰነት ዒድ እስትቅላል ቱ፤ አርበዕ ጥብብት አሰርሕድ እብ 16 ሰፍሐት እብለ ትፈናተ ሓባር ፈግረት፤ አርበዕ ኢነት ህይ እብ መናሰበት ዒድ ሕርየት እት ኢምዕላ ጥብባት ፍንቱይ አፍገረት፤ ዲብ ዕልብ 20 ዒድ እስትቅላል እት 25 ማዮ 2011 ሰንበት ንኢሸ እብ 16 ሰፍሐት ፈግረት፤ እት 21 ሰነት እስትቅላል ህይ ጅምዐት 25 ማዮ 2012 ጥብብት ፍንቱት ፈግረት፤ 26ይ ዒድ እስትቅላል 26 ማዮ 2017 ከሚሸ ፈግረት፤

ሀለዮት ጀሪደት ኤሪትሮፕ ሐዳስ እት ዐቦት ሂገ ሚ ነፍዐት?

ምን ተአንብት አሰክ እለ ቅያሰ 540 ጥብብት እፍግርት ህሌት፤ እለ ህይ እግል ትግራይት ክትብት

ክብት ወመርጀዕ ዐቢ ቱ፤ እግልሚ እብ ሰፍሐት ምን እንቀይም ዝያድ ሰሰ አልፍ ሰፍሐት ክል ሕጥር ሐብሬ ላቡ ክታብ ወገብአ፤ እለ ክታብ እለ እንዴ ቃለዐክ ታሪክ ቅሰህ፤ ዓዳት፤ ዐጃይብ፤ ንነት፤ ክቱብ ሲያሰት ወላትፈናተ ሐብሬ እግል ትርኩብ ትቀድር፤ ከአብሊ ጀሪደት ኤሪትሮፕ ሐዳስ እት ታሪክ ትግራይት ክትብት አነን ዐባይ ብእተ፤ እት ዐገል ክቱብ ትግራይት፤ ወአፍረዮት ኬትብት ወመሸክለትመ እበ ሕድት ቅድረተ ግዴተ ትወዴ ህሌት፤

ምን እትሊ ናይ ዐሰር ሰነት ተጅርበትን ለረኤናህ መንፈዐት ጀሪደት

- ክትብትን ሐቲ እግል ትግበእ ሰዴት፤ ዲብ ክሉ አክልሕድ ህለ ምንመ ኢልትበህል ሐቲ እግል ልግበእ ክምቡ መፍሀም አሳሲ ክም ለህሌ ወዴት፤

- እግል ኬትብት ገቢይ መሻረኩት ከሰተት ወክቱቦም እዴ እንዴ ሐቂረት ምኖም እብ መሕገዝ ጥብብት እብ አክትብት እግል ልንሸር ለኢቀድረው እብ ገበየ ዲብ ቁርአይ እግል ለአብጽሐ መጃል ፈትሐት እሎም፤ እት ከርሶም ቀልብ ክትብት ለህላመ እብ ክቱብ እግል ልሻርት ዲበ ቀቀሰቶም፤

- ቅሰሰ ለክትብ፤ ዲብ ሲያሰት፤ ዓፍየት፤ ሳይተሎጂ (ዕልምትፍሰ)፤ አሸግር፤ መትፋማ፤ ፓዝል ክል ምር እበ እለ ፈቲ እግል ልሻርክ ቅድረቱ እግል ልበርብር ወላትሐሳሴ አትናየተት ወሰዴት፤ ምን ብጋሰተ ሕሰራም ኬትብት አሻረኩት፤ ሰር ምን ዓሙደ እብ መሻርኩት ልትከተብ ዐለ ወህሌ፤

- ሕፍዝ ወድራሳት እግል ሊደው እግለ ለሐዘ ደረሰ ኮሌጅ ፈን ወዕሉም እጅትማዕየት ወብዕዳም ጀሃት ምን ቅሩብ እግል ትረከብ ለትቀድር መርጀዕ እግል ትግበእ እሎም ቃድረት ህሌት፤

- ጀሪደት ኤሪትሮፕ ሐዳስ ክምሰል ክለን ጀራይድ ዲብ ሸቦት ኢንተርኔት አካን እንዴ ጸብጠት እብ ሕሰራም ወእየሳም ትትቀረእ፤ ገሌ ናይ ትግራይት ሸቦትመ መርጀዕ ወዴማት እንዴ ገአት እለን ምን ዐምሚደ ልትናወሌ፤

- እግል ራድዮ ወተለፍዝዮንመ ዝሕረት ሐብሬ ወመትፋግዒ እግል ትግበእ ቀድረት፤ እግል መሰል ቫብር ዲብ ተለፍዝዮን ወዮም እት ጀሪደት ዲብ ራድዮ፤ እለ ክልአት ሀደፍ ለጸብጥቱ እበ አር እንክር ለጀሪደት እብለ ትፈናተ ጽቦጥ ትፈግር ክም ህሌት እግል አትፋቃድ፤ ከቁርአት እንዴ ረቅበወ ምን እት ህሌት እግል ልሕዘወ ወልትዛበው እብለ ካልእ እንክር ዲብ ለትፋጊዕ ለልዕልም ጽቦጠ መተንሰየት ወመተቅብለትመ ገርዛም እግል ልርከቦ ምኑ፤

መጋዴዕ ኤሪትሮፕ ሐዳስ

ለአግደ ግድዐተ ናይ ተውዚዕተ፤ ቁርአት ክም ህሌት እንሰሚዕ እበ ሳኪን ርእያመ ኢህሌን እት ልብሎ እትለ ትፈናተ መናሰባት ልትሃገው፤

እት ሰነት 2017 እብ ውሳረት እዕላም ዲብለ ገብአት ድራሰት፤ ነሽር ጀሪደት ኤሪትሮፕ ሐዳስ እብ ደረጃት ወጠን 29.8% ቱ፤ ቅያሰ መትቀርአተ ህይ ክም ልሙድ ጀሪደት ኤሪትሮፕ ሐዳስ ለቀርኡ 6.3% ተም፤ እት እብ ብዝሐ እግል ትነሽር እቱ ወትቀረእ ለእንሰኡ አቃሊም ህይ ለሐደት እት እንተ ትረከብት፤ አቅሊም ዐንሰበ 13.9%፤ ቅብለት ቢሐር ቀየሕ 9.5%፤ ለሐሰ ፓሽ በርክ 90% ወግብለት ቢሐር ቀየሕ 51.4% ምግብ ህይ 30.1% ወግብለት 2.3% ትብኤሕ፤

መጀመሪያት 4

እግል መጀመሪያት 4 ለተህቦበ ሰኣል እለ ለትሌቱ

“ ጀሪደት ኤሪትሮፕ ሐዳስ ዲብ ቁርአተ እብ ከኤፍ እግል ትብጽሕ ትቀድር? ቁርአት ህይ ሚ መሻረኩት ስም?”

ለመጀመሪያት እት ሰኣል ወበሊሱ እብ ፋይሕ ናቀሸት፤ እለ ለተሌ አረኦ ህይ ተህቦበ፤

• ዲብ እለ ሰነት እለ ህዛየ ትግራይት አድረሱት ዲብ ምግባይት ደረጃት እምቡት ሰበት ህሌ፤ እለ ክምሰል በክት እንዴ ትነሸኡ ለጀሪደት መደርሲን ክምሰል ሲድያይት ምህር እግል ልትገፈፍ እበ ቀድሮ፤ ደረሰ እብ ገቢይ እለ ጀሪደት እለ አምር ብዘሕ - ታሪክ ሓላት ሲያሰት፤ ዓዳት፤ መሕበራይ ቅደይ እግል ለአምር ቀድሮ፤ ሰበት እለ መደርሲን እህትማም ዐቢ እግል ሊደው እተ፤

• ቀደም እለ እብ ገቢይ መዳርሲ ወዘየት እምቡት ዐሌ፤ እብ ፍንቱይ ዲብ አቅሊም ፓሽ በርክ ፍገራት ሰነት ሃይብ ዐሌ፤ ሐሬ ሳኪን እብለትፈናተ አሰብሰ አትካረመ፤ ለገቢይ ለህ እግል ትታየን ወእት ፍዕል እግል ትውዕል በ፤

• ዲብ አቃሊም ወምዴርያት ለህለው ወካይል ውሳረት እዕላም፤ ወዘየት ናይለ ጀሪደት ናዮም ሸቅል እግል ልንሰኡም፤ እግል መሰል አፍረዐት ብዕድ ውሳረት ክሉ ለውሳረት ለከሰሰ ሸቅል ናሶም ለአገዳው፤ ሰበት እለ ለወካይል ምሰል መካፍላይ ጀራይድ እንዴ ትግፈቀው ናዮም ወካይል እግል ሊደው፤ ምን ልዘበ ህይ መትናዮቲ እግል ልግበእ እሎም፤ ህዮም እብ ገቢዮም ዲብ መዳርሲ ወብዕድ መክላት ወካይል እግል ሊደው ቀድሮ፤

• እብ ውሳረት እዕላም ናይ ተዕሲአት ወወዘየት ልጅነት ልጅነት ምን ውሳረት ወእየሳም እግል ትትከውን፤ ዲብ ሐንጽ ውሳረት እዕላም እንዴ ገብአት ህይ ምሰለ



እብ አሳሲል ድራሰት ክም ሀለዮት ዲብ ክሉ አቃሊም ህሌት፤ ምን ልትወዘዕ ህለ ዐደደ ሳኪን ለደረጃትለ ነሽር እለ እሉ ረኤኩም፤ እግል አትሓዮሱ እብ ጀሪደት አንፋር ጀሪደት ለትፈናተ ጀርቤታት ገብእ ጸንሕቱ፤ ዲብ ተአንብት ለሐሰ ብዝሐ ዐለ እሌ፤ አሰክ ሰባዕ አልፍ ትብጽሕ ዐለት፤ መደርሲን እት ወዘየተ ሰኢ ትጸገመው፤ ምናተ ምሰል ሸቅሎም ሰበት ኢትወጤት እሎም ክምለ እለ አንዝተው እግል ለአተላሉ ኢቀድረው፤ እብ ሐዲስ ምሰል አፍረዐት ውሳረት ተዕሲም

ትፈናተ መክላት ዲብ ትትዋጅህ እግል ትትፋህም፤ እብ ገቢይ እለ ልጅነት እለ ለትፈናተ መፋህማት እግል ልግበእ ቀድሮ፤ እለን ተልየ መክላት ምህማት ተን፤

□ ውሳረት ተዕሲም እለ ጀሪደት ክምሰል ሲድያይት እንዴ ክሕተ ሰም ዐቢ እግል ለህሌ እሌ፤ እለ ህይ ደፍዕየት ናይለ ጀሪደት እብ ገቢይ መዳርሲ እት ገብእ ክምሰለ እግል ርያደት አው መሕበር ሸባብ ለገብእ ደፍዕየት ዲብ ወክድ ተሰጂል እግል ልትመም፤ ለደፍዕየት ዲብ ሰሰ ወርሕ አው ዲብ ሰነት እብ ግዲደ እብ ገቢይ ልጅነት ዋልዴን አው መደርሲን እንዴ ተአክበት ለማል ዲብ ሕሳብ ውሳረት እዕላም እግል ልኦ፤ ውሳረት እዕላም ህይ እብ ገቢይ መወዘዕትለ ጀሪደት ዲብ ክል መድረሰት ክምሰል በጽሕ እግል ቲዴ፤

□ እግል መዳርሲ ውሳረት ተዕሲም ለከሰሰ እብ ቅሰም ዓም ምህር ወቅሰም ምህር እግል ዐባዩ ሚዛንየት እንዴ ትረተብት እለ አው ዱቅሪ እንዴ ትሳዘወ ዲብለ መዳርሲ ልግበእ ወመክተባት ክምሰል ትብጽሕ እግል ልግበእ፤ እለ ጀሪደት እለ ምን ትትክብመ ለበዝሐ ጽቦጠ ሰበት ኢመይት መሰኡሊን አፍረዐት ወብዕዳም አንፋር ዲብለ መጸኦ እቱ ወክድ እግል ትትነሸኡ ትቀድር፤

□ ለጀሪደት ዲብ ውሳረት ድሬዕ ትብጽሕ ህሌት፤ ሳኪን ለዐደድ ሰኢ ሐድ ሰበት ገብእ ምሰል ቅሰም ተዕሲአት ወሐብሬ መፋህመት እንዴ ገብአት ዐደድ ብዘሕ እግል ልንሰኡ፤ ዲብለ ወሳረት ቁርአት ብዝሓም ሰበት ህለው እለ ክምሰል ዝሕረት እግል ልትንሰኡ፤

□ እብ ገቢይ እለ ልጅነት፤ ዲብ ኩልያት ወካይል ተውዚዕ እግል ለህሌ፤ እሎም ደረሰ ገሌ መሰሐት ለረክቦ እበ ገቢይ ምን ትትባሰር እሎም እግል ልወዘተው ቀድሮ፤

□ ለጀሪደት ሕጅት ሐቲ ዶል

ናይ ምዴርያት እንዴ ንትፋህም ተውዝዐ እግል ንወቅል ተሐረክኩ አሰክ ሐምሰ አልፍ አብጸሐናህ፤ እለመ አክረት እግል ተሀሌ እሉ ኢቀድረት፤ ምሰል አውካድ ዕርፍ ደረሰ ወመደርሲን ውብዕድ ናይ ክምከሞት ወልኢክ ማል እብ ገቢይ ጣፍሐት እግል ልሄርር ኢቀድረ፤ ከእለ መፍቱሕ ዳይም ርኩብ እሉ ለይህለ አምርቱ፤

እት እግርለ ገዳይም ለቀንጾ ሸባን መጽእወ ኢህለዮቶምም ምን ክም ግድዐት ዐባይ ለልትሐሰብቱ፤ ልተላሌ...

እት ሳምን ክልኤ ዶል አው ዝያደቱ ምን ትፈግር፤ ምሰል መሕበራይ ሐዶት ናይለ ገቢል ምህም ሳቱ ክምሰል ናይ ህዳይ፤ ሞት፤ ውርሴ ምልክየት ናይ መዓድን ውብዕድ ሐብሬ ክምሰል ፈግር እት ምንገብኤ፤ እለ ቁርኣይ እግል ልሰሐብ ቀድሮ፤

□ ለጀሪደት እት ክል ሰነት ጀግራታት ቅሰሰ ሐጪር ወመዕሉማት ዓም ምን ትትሐደር፤ እግል ዕውታም ጃእዘት እንዴ ሀበት አትናዮት ምንገብኤ፤ እለ እግል ትትአመር ወዘያደት እብ ቁርአተ እግል ትትፈቱ ሲድያይ እት ረኡሰ ግብአቱ እግል ሰነት እብ ግዲደ ለገብእ እግለ ጽቦጥ እግል ትርኩብ ትቀድር፤

□ ዲብ ፊድዮ ምን ጽቦጥ ጀሪደት መዕሉማት ዓም ዊደትመ ምህምቱ፤

□ መዳርሲ ምን ጽቦጥ ጀሪደት መዕሉማት ዓም ወጃግራታት እንዴ ወደዩ ለፍገራቱ ህይ ዲብለ ጀሪደት ክምሰል ፈግር ምን ገብኤ፤

□ እግል በራምጅ ጅግረ ለገብእ ተምዊል ምን ሸዕብ እግል ልትክብሉ ናይ ደዓያት በራምጅ እንዴ ትረተቱ ለአንፋር ሰም ክምሰል ለህሌ እሎም ዊደት፤

□ እብ ገቢይ ወካይል ውሳረት እዕላም ዲብ መዳርሲ ለገብእ ወራታት ፈን ልግበእ ወናይ ዐማር በራምጅ ዲብለ ጀሪደት ክምሰል ፈግር እግል ልግበእ፤

□ ዓሙድ ጀዋባት እንዴ ትደቀበ በክት አትዐገቡት ወረኣይ እግል ልትክላቅ፤


□ እብ ገቢይ አንፋር ውሳረት እዕላም ዲብ አቃሊም ወውሳረት ድሬዕ ተዕሲአት እግል ልግበእ፤ እብ ሰበት ወዘየት መትፋሃም ወረኣይ አክባት፤

□ ቁርኣየ ጀላብ እግል ትሰሐብ በራምጅ ሓይሰ ወጀዛብ እግል ለህሌ እተ፤

□ ዲብ መዳርሲ ዲብ ሰቡረት ለትለዋእ ጀሪደት አዳለዮት፤ ለጀሪደት ህይ ክምሰል መርጀዕ መትገፈዕ፤

□ ዲብ አቃሊም ለህለው አንፋር ነዋዴ ፈን ክምሰል ለአሙረ ወእብ ገቢይ ወካይሎም ክምሰል ልትዛበወ ዊደት፤

እብ ዓመት ጸገም ሕበር እንዴ ገብእ ትሉሉይ ጊማማት እት ገብእ እግለ ዋቅያም ወሀርኩታም መወዘዕት አትናዮት፤



ሕሩያም ቦርቴሌታት ሱፐር ዲቭዝዮን ኤ አቅሊም ምግብ

ለሕሳ መካሪት ገርብ ለመልክ እንደገኘ፤ ሰቀት ታመት ለቡ ለሕሳ ቦርተሌ ኤሬትርያ ሰነት 2017 ቱ። አሰኩ ለትትዘበጥ በከት ለኢትህዳይብ ኩረት እምበል ድንጋጽ እግል ልጽበጥ ወለአፍግር ኢልትወጸህ። ምን ለዐል ወተሐት ለትመጽእ ኩረት እምበል መሻክል ሐንቱ መራቀብቱ እት ለአቱ ለልትረኤ ታክያት ፈሪቅ ክምሰልሁመ እትለ ትፈናተ ምህም ትልህየ ሪገሌታት እት ለአድሕን ዐጅብ ዋዲቱ። ምስል ሙዳፍዒን ለቡተ ፅላቀት ወመፋህመት ስሙይ እበ ቱ። እሊ ምን ወቅት እት ወቅት በቃዐቱ ወሰክ ለሀለ ቦርቴሌ፤ ምን ኩሉ እትጃህ ለትመጽኡ ኩረት እት ሕቅፋ እት ከሬ ልብ መአይደቱ ሸፊ። እት ፅምር ንእሽ ወተጅርበት ሕድት እብለ መቅደረት አንበቶቱ ህዩ፤ እት ወቅት ሐጨር እግል ለልምለኮ ለቀድር ፍድብ እግል ኩሉ ባርህ ቱ። ሚልዮን ደዓም ለረክበዩ ዐውቱ፤ እት ትልህየ ምህም እግል ፈሪቁ ለወደዩ ዶር እት ሕሳብ እንዴ አተ፤ ፈዳብ ፈዳብያም ምን ልትሰሜ አትረብቅ ኢኮን።

ዝያድ ሰሜቱ ‘አፍዓበቹ’ እባ ትብል ክናየት ልትአመር። ዓብዱላሂ ዓብደልራሕማን ቀደም አርባዕ ሰነት ምን ፈሪቅ አልነሰር እት ቀይሕ በሐሪ ክም ተሐበረ ዝያድ እግል



ልትአመር ወሰሜት እግል ልርከብ አንበተ። እብ ሕሙድ አደቡ ለልትአመር እንዴ ገኡ፤ እብ ሐጠሩ እት ሚዳን ለሸቅዮ ዓጃይቡ፤ ፈሪቁ ምን ውጽዔ ለአንግፍ። ኩረት እብ እስዉ እትጃህ ክም ትመጽእ ወአየ

አካን ክም ትትከሬ እበ ለቡ አምር ህዩ፤ ጎል እግል ልግባእ ለቀድር ኩአር ለአንግፍ።

ምስል ሙዳፍዒን ለቡ ተ መፋህመት ዐባይተ ወእብ ስቀት ልተልሂ ወመርሕ። ጎል ሐቆ አተ እቱ ኢደንህጽ። ኩረት እብ እዴሁ እንዴ ጸብጠ አገድ እግል መልህያሙ እት ለኪፍ ልትመጣወሩ አለቡ። ዓብዱላሂ ምን ለዐል ለትመጽኡ ኩረት እብ ገበይ ቀላል እት ልትከበት አልባብ ኩሉ ረይሕ። ዲብ መሃጅሚን እንደሸአገ ጎል ምን ለአፍሽሎት አልትሐለል።

እት ትልህየ ሴካፊ 2012 - ኬንዮ- ቦርቴሌ ፈሪቅ ወጠኒ ኤርትራየ ለዐለ ዓብዱላሂ፤ ደዓም ምን ትልህየ ባጥር ሰበት ዐሉ ብዙሕ እቡ እግል ንትሃጌ ምንመ ይእንቀድር፤ ምን ለሐሰው ቦርቴሌታት ክምቱ ሸክ ይህሉት። እት ኩረት እገር፤ ቦርቴሌ ብጥረት ረያም እግል ለቡ ምንመ ልትሐሬ፤ ብዝሓም ሐጫይር ምስትንክር እት ሸቂ ወምን ለዐል ረያዩም ዐውቱታት እት ሰጅሎ ክም ልትረአው እግል ንላሕዝ ወጅብ። ኤርትራያይ ሃኒባል ሓጨር



ሚልዮን አፍወርቂ ፈሪቅ ደንደን

ወቅንጩብ ምንማ ቱ፤ ስቀት ሰበት መልክ፤ እባ እላ ቡ ንዩት ትልህየ ሰኔት እ ልተልሂ ። ደዓም አወላይ ቦርቴሌ ቀይሕ በሐሪ ለዐለ ሃኒባል፤ እት ትልህየ ጎል ምህም እት ለአፈሸል እግል ፈሪቁ ምን ፈለል ለአንገፈ ሕሩይ ቱ። ምስል ሙዳፍዒን ለቡተ ፅላቀት ህዩ ሰኒ ሕምድት ቱ።

ሃኒባል እብ እገር እንደተልህ እግል ለአፍግር ሰበት ኢልትሐለል፤

ረዩም ልግባእ አው ሐጨር ናይ እገር መትከባባት እንዴ ወዴ፤ ክም ሙዳፍዕ እንደገአ ተክቲክ ትልህየ እግል ለአሰኔ ከድም። ሪሙ ወትልህያሁ እብ መትቃራን ህዩ፤ ሐጨር ምናተ ረዩም እግል ልትበህል ቀድር። ለሓልፈት ሰነት እት ትልህየ ብዙሕ ሰበት ኢትረኤ፤ አክል እላ መቅደረት ዐለት እግሉ እግል ኒበል ምንመ ኢንቀድር፤ እባ እሉ መልክ መባትክ ገርብ ለልትሐመድ ቦርቴሌ አግል ልትበህል ቀድር። ምን ማይተመናይ አሰክ ደንደን ለትሐላለፈ እቡ ቅያሰ ማል ህዩ 60,000 ናቅፈ ቱ።

ዐብድላሂ ዐብደርሕማን ፈሪቅ ቀይሕ በሕሪ

አሰክ እለ እት ቀበት ዐድ ለቀለ መተልህያይ እንዴ ገአ ረቅም ቅያሲ ጸብጥ ለሀለ ቱ። ምስል መሃጅሚን ገጽ እት ገጽ እት ልትዋጃህ፤ ክል ዶል ቀራር ሻፍግ እት ነሰኤ፤ ብዙሕ ጎል እግል ትግባእ ለትወጅኩ ኩረት ለአንግፍ ዐለ። እሊ ዝብጠት ረያም ለለክፍ ወመባትክ ገርብ ሰኒ ለመልክ ቦርቴሌ፤ ተጅርበት ዐባይ ሰበት ቡ፤ እት ቅያደት ፈሪቅ ዶር ዐቢ ወዴ።

ዝክረት ዕላቀት ዲፕሎማሰዮት ኤረትርያ ወቻይነ

ኤረትርያ ወቻይነ ዕላቀት ዲፕሎማሰዮት ለአንበተዩ እተ 25ይት ሰነት፤ እብ ለትፈናተ በራምጅ ትትዐዩድ ክም ሀሌት፤ ዕላቃት ዓማ ሙፈወድዮት ዓዳት ወርያደት አትአመረት። እሊ እብ መዓወነት ሰፋረት ቻይነ እት ኤረትርያ ወሙፈወድዮት ዓዳት ወርያደት ገቢእ ለሀለ ናይ ምስንዮት ወራታት ርያደት ወዕፌ ዓዳት ለሸምል በራምጅት አተላተ ዮም 3 አብሪል ሰነት 2018 እት ሰታድ አስመረ እተ ተፈተሐ እቱ እዋን፤ ሙፈወድ ዓዳት ወርያደት ኤርትርያ ሰፊር ዘመደ ተኽለ፤ ሰፊር ቻይነ እት ኤርትርያ ያንግ ዜጋንግ፤ ወካይል እትሓዳት ርያደት ኤረትርያ ወዐዙመት ለገኡት እግሎም ጋሽ ሐድራም ዐለው።

እት መክሰቲ ናይለ እብ ነሺድ ወጠኒ ክልኤ ለዐድ ለአንበተ

በርናመጅ፤ ሙፈወድ ዓዳት ወርያደት ኤረትርያ ሰፊር ዘመደ ተኽሌ ወሰፊር ያንግ ዜጋንግ እተ አስማዐወ ከሊመት፤ ርቡዕ ዘበን ዋድዮት ለህሌት ዕላቀት ክልኤ ለድወል ዐቡት ትሰጅል ክም ህሌት እንዴ አሸረው፤ ለዕላቀት እብ ገበይ ክልኤ ለሸዑቡ ተባድል ተጃርብ ዐዳት ወበራምጃት ተእሂል እት መርሐለት ሐዳስ እግል ትትዓዴ ምን ጀህት ክልኤ ለወካይል ንዩት ክም ህሌት አከደው። ለእብ ናይ ምስንዮት ትልህየ ኩረት እገር ለአንበተ በራምጅ፤ ደረሰ መአሰስት ሉቀት ወዐዳት ቻይነ እት ኤረትርያ እበ ቀደመዉ ዕፌ ዓዳት ገምለ። አሰክ 13 አፕሪል ህዩ እብ ጅግረ ባሰኩት ቦል ውበዕድ እግል ለአተላላ ቱ።



ሙደርብ ፈሪቅ ወጠኒ ጃፓን ምን ሰልጠቱ ልትከሬ

እትሓድ ኩረት እገር ጃፓን፤ እግል ወድ ቦዝንዩ ወሒድ ኸልዩድዚትሽ ሙደርብ ፈሪቅ ወጠኒ ኩረት እገር ጃፓን ምን ሰልጠቱ ክም ከረዩ ተአመረ።

ለእትሓድ እለ ምስዳር ለነሰኤ፤ እት ሩሰዩ እግል ለገቢእ ካስ ዐለም

ሰነት 2018 መዳላይ እግል ለአትምም ክምቱ ልትሸራሕ። ወድ ቦዝንዩ ወሒድ ኸልዩድዚትሽ ሙደርብ ናይላ እብ ‘ሳምራይ’ ለልትአመር ፈሪቅ ጃፓን እንደገአ እግል ልክደም እት ሰነት 2015 ክም ተሐረ ልትአመር።

እትሓድ ወጠኒ ኩረት እገር ጃፓን፤ ለሙደርብ እግል ፈሪቅ ጃፓን እት ናይ መትጸራይ እግል ካስ ዐለም ሩሰዩ ሰነት 2018 ለልትሐዜ ዶር ኢወደ እበ ልብል ሰብብ ቱ። ምን ሰልጠቱ ለከረዩ።



ዝቢ መተልህየት

ፈሪቅ ሊሸርፑል ናይ ብሪጣንዮ፤ እትሊ ወቅት መትዐዳይ መተልህየት፤ ምስል እሙር መተልህያይ ማንቸስተር ዩናይትድ እትፋቅ ዝቢ እግል ልውዴ ልትሳሰዔ ክም ሀለ ጀራይድ ብሪጣንዮ ሸርሐዩ።

እብ አሳስ ጀሪደት ‘ሚረር’ ለሀበተ ሐብሬ፤ ፈሪቅ ሊሸርፑል ምስል ወድ ቤልጂክ መተልህያይ መርዋን ፌላኒ፤ ምን ጁን 06 /

2018 ለለአንብት ናይ ሰለሰ ሰነት እትፋቅ እግል ልውዴ ልትሻወር ክም ሀለ ተአሸር።

ፍረቅ ፓሪስ-ሳንጀርማን ወሞናኮ ናይ ፈረንሳ፤ በሸክታሽ ናይ ትርክ፤ ፍረቅ ቻይናመ ፌላኒ ሐንቲህን እግል ለአትዮ ምስል ፈሪቅ ሊሸርፑል ልትሳሳዐዩ ሀለዩ።

ፌላኒ ምስል ፈሪቅ ማንቸስተር ዩናይትድ ለቡ እትፋቅ እትሊ ለህሌነ እቱ ሒን ክም ለአክተም ልትአመር።

በርናመጅ ትልህየ ኩረት እገር ሻምፕዮንስ ሊግ

አረቡዕ 11 አፕሪል 2018 ርያል ማድሪድ ምስል ጁሼንቲስ 9:45 ላሊ

በዩር ሙኒኽ ምስል ሰሺዩ 9:45 ላሊ



እብ ሰበት ነሀር አማዞን ሚ ተአምሮ?

ነሀር አማዞን አሮት ምን እት ግብለት አሜሪካ ለህሊ ስሙያም ወእሙራም ዐባዩ አንሃር እዲነ እት ገብእ፡ እሊ ነሀር እሊ ምን ሐያት ለዐቤ ለትብል ሰሜት ክርስማቡ። ፋዬሕ መትመዳድ ለቡ ድበዕ ለትገልበበ እብ ሪሙ ዲብ ዐለም ካልኣይት ደርጀት ለልትረተብ ቤት ናይለ በዝሐ ጅንሰ ብቅል ወሐዋናት ቱ። አማዞን እግል ዐለምን አክሰጅን ነዲፍ ወማይ ጽሩይ ምን ቦም አንሃር እዲናቱ።

ለዐስር ሐቃይቅ ነሀር አማዞን፦
1. ቀደም 15 ሚልዮን ሰነት ገብእ፡ ነሀር አማዞን አስክ ምሒዋ ሰላም ልውሕዝ ክምሰል ዐለ ታሪክ ለሀድግ። ሐሬ ላኪን እብ አድብር አንደስ እብ ምድር ለትከለለ ነሀር ገብእ። እብሊ ህዩ እግል መደት 5 ሚልዮን ሰነት ዲብ እዲነ ዎሮ ማይ ዋዑም ለብእቱ ነሀር ክርዕ ጋብእ ጸንሐ። ሐቆ እሊ ወክድ እሊ ህዩ እበ ዐለ እቱ ደቅብ ናሱ ገበይ ሐዳስ እንዴ ቀፍረ እት ምሒዋ አትላንቲክ እግል ልትሓበር ቀድረ። እትሊ ወክድ እሊ አማዞን ለዐበ ነሀር እብ ብዝሒ ማይ እት እዲነ በህለት 12,540,000 ምትር መክዑብ እት ክል ደቂቀት ለለአጀልክ ክምሰል ሐብል ምድር ድማን ወደገለብ ዲብ ልትለዋሌ ዝያድ 6 አልፍ ኪሎሜተር ለገይሰ ነሀር ቱ።

2. እት ነሀር አማዞን ለገብእ ልግበእ ቢንቶ ሸቂይ ኢኮን።

ምን 1,100 ነሀር አማዞን ለልትከወን ምኑ ነኣይሽ አንሃር ቱ።

3. ነሀር አማዞን መንዝል ዶልፊን ለልትብህል ጅንሰ ዓሳቱ። ነሀር አማዞን መንዝል ናይለ ቅያስ ለለአቡ መክሉቃት ምንማቱ ዝያድት ላኪን እብ ዶልፊን ልትአመር። ለዐበ ዶልፊን ዲብ እዲነ ህዩ እትሊ ነሀር እሊ ነብር። ዶልፊን ዝያድት ዲብለ ምሰል ነሀር አማዞን ለልትጋነደ ድወል ፔሩ ወባሊሽዩ ልትአመር።

4. ነሀር አማዞን እግል ምድር 20% ማይ ነዲፍ ለለአትሄዴ ነሀርቱ

ነሀር አማዞን 1/5 ምን ማይ ነዲፍ እዲነ ዲብ ምሒዋ አትላንቲክ ለለዓይር ነሀር ቱ። ዲብ መሓባር ናይለ ነሀር ወምሒዋ ህዩ እሊ ነዲፍ ማይ እሊ እግል ጩዋይ አው መሪር ማይ ምሒዋ ፈጥቁ። ክምሰሁመ ሕብር ናይለ ልትሓበር እቱ ባካት እብ ፍንቱይ አስክ 2.5 ኪሎሜተር መሪበዕ ለገብእ ማይ ምሒዋ ሕኔት ሶታይ ሕብር ዲመ ሽግራይ ሕብር ናይለ ነሀር እንዴ ትገልበበ ልትረኡ። እብ ዓመት አማዞን ብዙሕ ማይ እግል ምሒዋ አትላንቲክ ለአትሄዴ። እሊ ህዩ ዝያድትለ ሰቦ አንሃር እዲናቱ። እብሊ ህዩ እግል ብዙሕ ኮራል-ሪፍ ናይለ ምሒዋ ገልብቤ።

5. ነሀር አማዞን እት ሐንቲህመ የም አለቡ ማይ ክዙን

አማዞን ለህሊ ድበዕ መንዝል ዝያድ 40,000 ጅንሰ ብቅል፡ 2000 ጅንሰ ዓሳ፡ ዝያድ 400 ጅንሰ መጥብዩት ወኔብረት ምድር ወማይ ክምሰልሁመ አክሎም ለገብእ-ሌመት ወ2.5 ሚልዮን ጅንሰ ሐሽራት ነብር እቱ።

7. ነሀር አማዞን ወእት አጥራፋ ለህሊ ድበዕ ክል ሰነት እብ ማይ ተርቅ።

ለአግደ ዔማት ማይ ነሀር አማዞን ምን አንዳይ በረድ ለልትመየስ (Andean ice melt.) ማይ ቱ። እት ክል ሰነት እት አውረሐት ጁን አስክ አክቶበር እበ ልትመየስ በረድ፡ ነሀር አማዞን ምን ቅያስ ወለዐል ልትክዩል። እሊ ማይ እሊ ህዩ ምን 9 አስክ 13 ምትር በጽሕ። እሊ ማይ እት በዜሕ እቱ ወክድ ለድበዕ እብ ከማሉ ልትሸመም። እት ሒን ዝላም ህዩ ለነሀር ሸክል መሪበዕ ጸብጥ።

8. ነሀር ወድበዕ አማዞን ምን አፍሪቀ ርሽድት ትርበት ልትክበት።

ክምሰል ጭመር ክልኤ ከሊመት ለልትከወን ecosystem በህለት ሰርዐት ድዋር እት ክል ሰነት ምን ምን ሰሐረ አፍሪቀ ለትሆብል ርሽድት ትርበት ሰበት ገብእት፡ ድበዕ አማዞን ዲመ ትርበቱ እብሊ ምን መዐደይ አቡሐር ወምሒዋት ለትመጽእ ርሽድት ትርበት ልትመወን። እሊ ምን ክፈል ዐለም

ሲያማን ጸሊም ህዩ? እሊ ብዕድ ተእሪክ ቱ። ብላክ ሲያመን አው ሲያማን ጸሊም ለገዝፈ ዲብ ቀበት ነሀር ለነብር ሐዋን ቱ። እሊ ዒቶት እሊ እት ቀበትለ ነሀር ትነብር። ዎሮ ምን እሎም ህዩ ለገብእት ሓጀት በሌዕ ሐትሐቱ ዶልመ አዳም ልትንዔ።

10. እብ ብዝሒ ምን ኢልትረአው ሐዋናት ነሀር አማዞን ቡል ሻርክ ለልትብህል ዓሰ እመኖ ወኢትእመኖ ቡል ሻርክ ዎሮ ምን ምን ማይ መሪር እት ነሳፈት ረያም እግል ልንበር

ለቀድር ሐዋን ቱ። እሊ ሐዋን እሊ ህዩ ምን በሐር መራር እት መሳፈት 4000 ኪሎሜተር እትለ ህሊ ድዋራት አማዞን እግል ልንበር ለቀድር ቱ። እሊ ምሰል ከረ ዶልፊን ዶድግ ወሲያማን ጸሊም ዲብ ለሐምሴ ምሰሎም ልትዓሸር። እምበል እሊ ብዝሓም ቤጽሐት አው ሲያሕዩን እብ ጅላቦም እትሊ ነሀር እሊ ልትመሸው ወዲብለ እት አጥራፋ ለትበነ መራክዝ ሲያሐት ልትመተዎ። እሊ ህዩ ምን እት ባካት ለህለዩ ድወል ክምሰል ከረ ብራዚል፡ ፔሩ፡ ቦሊቭየ፡ ወኤክዋዶር ቱ።

ለፊመት ገበይ እት ዐለም



እብ አሳስ ሰጅል ጊንስ ቡክ ናይ ዐለም፡ ለፊመት ገበይ አው ጽርግዩ ዲብ እሊ እዲነ ሰከት ፓን-አምሪካን እት ገብእ፡ እሊ ገበይ እሊ እግል ድወል ብዙሕ ወቃራት ሰበት ትክይድ ለፊመት ቱ። ለገበይ 29,800 ማይልስ በህለት 48,000

ኪሎሜተር ምን ፕሩድሆ-ብይ እት ቅብለት አሳስክ አስክ ዩሽ-ወዮ አርጀንቲን ትትመደድ። እሊ ገበይ እሊ ምን ሕኩመት አሜሪካ ለትትመክሕ አው ትትሐበን እቤ ሐቱ ምንለ ሬመ ጽርግያታት ዐለም ቱ።

ረቢ ሐቱ ምን ሐሌዕ ሐቱ ሸሌዕ

እሊ ለእሊ ትርኡ ህሌኩም ሱረት ዲብ አሃዮ ሰነት 2009 እብሊ ሐሰት ጃእዘት ለተዐወተት ናይ ሐቱ ዓይለት ምን ዓይላት አፍሪቀ እት ገብእ፡ እሊ ዓይለት እሊ እምብል ውላድ እግል ሰቦ ሰነት አስበረት፡ ወዲብ ደንጎበ ረቢ ሀበዩ ከሐቱ ዶል 6 መነቲት ምሰል በደድ አበለት። ዐጃይብቱ ረቢ ሐቱ ምን ሐሌዕ ሐቱ ሸሌዕ ለልትብህል ክእና ቱ።



ኢኮም ናይል ለእብ 480 ኪሎሜተር ረይሙ፡ ነሀር አማዞን ለልትሐበን እቡ ምን ለህሌ ለገብእ ልግበእ ቢንቶ አው ክብሪ ሰበት አለቡቱ። እሊ ክምሰል አርዌ እት ልትለዋሌ ለልሄርር ነሀር አማዞን ልሰዕ ለኢተምተመ ርሹድ ወእብ ድበዕ ለትከለለ ነሀር ሰበት ገብእ፡ ዝያድት ግርመት ወጀላል ለሀይቡ። ምን ክትረት ድበዕ ህዩ፡ ምን መዐደይ እት መዐደይ እብ ጀልበት ለትሰረረተ እብ ጀሰር አው ቢንቶ እግል ትትዐደዩ ኢትቀድር። እት ሰነት 2010 ለሰልፋይ ቢንቶ ዲብ ዎሮ ምን ዲብ አማዞን ለልትሓበር መሓዛት ሪዮ ኔግሮ (Rio Negro) ትሸቀ። እሊ ህዩ ለአወላይ ቢንቶ እት ታሪክ ነሀር አማዞን ቱ። እሊ

ልትረኩብ። ጂኦሊጂስትሰ ዲብ ሐንቲ ምድር ብዕድ ነሀር ክምሰል ህለ ለአምኖ። እሊ ሐድ 6000 ኪሎሜተር ገብእ። እሊ ህዩ እብ ሪዮ ሀምዝ ለልትብህል ወድ ብራዚል ባሕሰ ቀደም ገሌ ሕዳት ሰኖታት ተአመረ። እሊ ሐድ 4 ኪሎሜተር ማይ ከርስ ምድር ለከውንቱ። እሊ ማይ እሊ ህዩ እብ አምኣት ወክድ ምን እት አማዞን ለህሊ ማይ ወሴዕ።

6. ነሀር አማዞን ለሸፍቀ ድበዕ እት ዐለም ቡብእቱ

እሊ ድበዕ እሊ መንዝል ናይ 30% ምን እትለ ፕላኔት ለህሊ ብቅል ወሐዋናት ቱ። እብ ዓመት ነሀር አማዞን ልግበእ ወእት ድዋራት

እት ክፈል ዐለም ለትትዐዴ ትርበት ህዩ፡ ናሳ ሳተላይት ዲመ እብሊ ናይ ሰሐረ ጨበል ለልትዐዴ እበ ሰለል ክምሰል መርበይ እት ትትነፊዕቱ ምን አትላንቲክ አስክ ድበዕ አማዞን ለትበጽሕ።

9. ለትደቀበ ወዝያድት ለለአብህጅ ዒቶች ጸሊም ሲያማን ለልትብህል ሐዋን ብእቱ

ስሙይ መርዕዳይት ክልቀት ነሀር አማዞን' ወብዙሕ ሸዐብ ዲመ ለፈርህ ወለሐሰብ እቡ ክልኣት ጅንሰ ሐዋን ቶም። እሎም ህዩ ፒራንህ ወእናኮንደ ለልትብህሉ እት ነሀር ለነብር ምን ጅንሰ አራዊት ወሌመት ቶም። ክልኢቶም እሎም ክምሰል አዳም ፈርህ ምኖም እደር።

